



# JORNAL

do

## Parlamento Nacional

III LEGISLATURA

4.<sup>a</sup> SESSÃO LEGISLATIVA (2015-2016)

## REUNIÃO PLENÁRIA DE 15 DE SETEMBRO DE 2015

**Presidente:** Ex.<sup>mo</sup> Sr. Vicente da Silva Guterres

**Vice-Presidente:** Ex.<sup>mo</sup> Sr. Adérito Hugo da Costa

**Secretária:** Ex.<sup>ma</sup> Sr.<sup>a</sup> Maria Fernanda Lay

**Vice-Secretária:** Ex.<sup>ma</sup> Sr.<sup>a</sup> Ângela Corvelo Sarmento

## SUMÁRIO

**Antes Ordem Do Dia** — Sr. Presidente lóke sessão plenária ba primeiro dia 4.<sup>a</sup> Sessão Legislativa ba III Legislatura iha tuku 10 liu minuto 2 dadeer no halo leitura ba agenda trabalho loron ne'e nian.

Tuirmai iha mós execução ba hino nacional «Pátria».

Sr. Presidente hussu ba bancada sira atu apresenta sira-nia candidato sira hodi elege ba membro Conselho Superior da Defensoria Pública, Conselho de Opinião da Rádio e Televisão de Timor-Leste, Conselho Superior do Ministério Público, Conselho de Imprensa e Comissão de Homenagem. Nia hato'o mós katak Presidente da República labele participa iha sessão ne'e tanba halo visita ba rai-li'ur, nune'e sugere atu participa iha última Sessão Legislativa iha tinan 2016.

Iha intervenção diversa sira: Sr. Manuel Gaspar (FRETILIN) hato'o nia observação ba atraso hodi hahú sessão ne'e. Nia lamenta ba transporte ró hussi Oecússi mai Díli, estrada iha suco Dahudo ne'ebé aat, no la iha acesso ba eletricidade.

Sr.<sup>a</sup> Brígida Antónia Coreia (CNRT) questiona pessoal saneamento ne'ebé la seguro ba saúde nian bainhira hala'o serviço hodi recolhe lixo.

Sr. Leonel Lisboa Marçal (FRETILIN) questiona trator sira ne'ebé Direção Agricultura Municipal recolhe hotu ba

oficina, nune'e la consegue fila rai iha suco Maudemo. Nia mós lamenta tanba iha Posto Administrativo Fatumean, comunidade sei usa ossan *Rupiah*, no iha Fohorem no Fatulúlic estrada sei aat.

Sr.<sup>a</sup> Benvinda Catarina Rodrigues (FRETI-MUDANÇA) sugere ba Governo atu hadi'a eletricidade iha Kampung Tuti, Comoro, no hato'o katak estrada iha parte Bebonuk rai-rahun mak barak.

Sr. Manuel de Castro Pereira (FRETILIN) hussu ba Ministério das Obras Públicas atu controla empresário sira ne'ebé hadi'a estrada, Ró Nakroma ne'ebé para kleur la halo manutenção, programa fila rai gratuita no construção estrada iha Assalaitula ne'ebé la la'o.

Sr. Virgílio da Costa Hornai (PD) hussu atu Governo organiza didi'ak cabo eletricidade ne'ebé dada sabraut iha cidade Díli laran, ba Ministro sira mak atu hatán de'it ba Deputado sira-nia preocupação. Nia mós preocupa no hussu atu muda política fiscal atu nune'e ema estrangeiro sira labele domina economia País nian no sugere atu desenvolvimento ne'e hala'o mós iha município sira.

Sr. Eládio António Faculto de Jesus (FRETILIN) hussu ba Presidente Parlamento atu tun bá visita fatin sira iha Bazartete, ne'ebé hanessian knua Presidente Nicolau Lobato nian tanba povo barak mak sei halerik ba

eletricidade no bee moos. Nia critica Padre Martinho Gusmão ne'ebé difama fali partido CNRT no partido FRETILIN no lamenta tebes ba importação foos hussi Tailândia ne'ebé la iha qualidade. Ikusliu, hussu ba Governo atu la bele halo exploração ba povo nia produto local.

Sr. Francisco da Costa (CNRT) hussu ba Governo atu tau matan ba companhia China nian ne'ebé construi drenagem iha suco Larissula, Posto Administrativo Baguia. Nia hussu mós ba Governo atu halo estudo didi'ak mak foin taka estrada kuak hirak ne'ebé iha no apela ba povo sira hotu katak la bele ona halo uma bessik estrada boot. Tuirmai, nia lamenta tebes ho funcionário nível ki'ik sira iha Ministério da Saúde ne'ebé Governo ko'a fali sira-nia ossan subsídio, nune'e mos ba carreta ne'ebé para arbiru iha mercado Becora.

Sr. Francisco Miranda Branco (FRETILIN) declara katak iha 4.ª Sessão Legislativa ne'e Parlamento Nacional tem que fó prioridade ba lei sira ne'ebé importante ba Estado. Nia mós hussu atu iha discussão Orçamento Geral do Estado (OGE) 2016 halo balanço ba ossan Ministério Agricultura e Pescas nian no molok discussão OGE 2016 ne'e mós Parlamento Nacional tem que iha ona audiência ho cada Ministério.

Sr.ª Jacinta Abucáu Pereira (PD) hussu ba Ministério da Saúde atu hadi'a odamatan hariis-fatin iha Hospital Nacional Guido Valadares (HNGV). Deputada ne'e mós hussu ba Ministério do Turismo no Ministério da Administração Estatal atu tau matan ba meio ambiente iha Largo Lecidere. Ikusliu, nia hato'o ba Governo atu chama atenção ba pulsa Telkomcel nian balu ne'ebé nia qualidade la di'ak.

Sr. Felisberto Monteiro Guterres (FRETILIN) hussu ba equipa de controlo bee moos nian atu haree comunidade iha Delta III la hetan bee moos. Nia hatutan comunidade Vemasse nia lamentação ba hadi'a estrada ne'ebé baban de'it no ikusmai aat filafali. Deputado ne'e lamenta tebes tanba povo barak mak sei halerik ba bee moos no estrada. Tuirmai, nia hatutan mós katak comunidade Assalaitula, Venilale nian, lamenta tebes tanba iha orçamento ba alcatrão nian, maibé seidauk hadi'a nafatin estrada.

Sr. Paulino Monteiro (PD) hussu atu Ministério relevante sira halo política de gestão ne'ebé didi'ak, nune'e execução orçamento ne'e mós bele di'ak. Nia mós hussu ba Ministro do Turismo atu planeia didi'ak hodi cria infraestrutura básica, nune'e bele dada investidor mai Timor-Leste.

Sr.ª Ilda Maria da Conceição (FRETILIN) hussu ba Ministra no Vice-Ministra da Saúde atu tau matan ba enfermeiro no doutor sira ne'ebé halo atendimento la di'ak ba paciente sira iha HNGV. Deputada ne'e hussu ba Ministra das Finanças atu gere ossan ne'e loloos, nune'e funcionário ki'ik sira la bele sai fali vítima.

Sr. Antoninho Bianco (FRETILIN) hussu ba Governo atu hadi'a máquina raio-X ne'ebé avariado iha fronteira Salele no Batugadé tanba sussar atu revista sassán sira ne'ebé tama. Nia hussu mós atu Governo tau matan ba mercado iha Salele ne'ebé halo ona, maibé la usa, e hussu salvaguarda mina ilegal ne'ebé prende hela iha Comando Polícia municipal Batugadé. Tuirmai, Deputado ne'e hussu atu tau matan mós ba médico iha suco Edi, Ainaro, ne'ebé la metin iha fatin hodi atende paciente sira. Ikusliu, hato'o ba Governo atu tau matan ba centro produção café iha suco Aituto, Maubessi, ne'ebé ema barak sai afetado tanba halo contaminação ba bee moos.

Sr.ª Aurora Ximenes (FRETILIN) informa katak iha Liquiçá, veterano balu mak impede fali projeto eletricidade nian. Nia hato'o mós katak iha suco Fahilebo no Assumanu instalação ahi eletricidade nian la to'o iha-ne'ebá no hussu atu Governo prioriza eletricidade ba povo. Ikusliu, nia hato'o povo nia lamentação katak sira-nia produto local la'ós Governo mak sossa tuir promessa ne'ebé iha maibé companhia mak sossa fali.

Sr.ª Anastácia da Costa Amaral (FRETILIN) questiona estrada nia luan iha parte Comoro, problema eletricidade, bee moos iha Uatucarbau no irrigação Irabere ne'ebé seidauk implementa.

Sr. Paulo Moniz Maia (FRETILIN) questiona eletricidade no estrada iha Lolotoe, construção ponte ida iha Maliana ne'ebé seidauk remata, sugere ba Ministério da Educação atu nomeia diretor escola tem tuir nia mérito. Ikusliu, nia hussu atu halo manutenção ba sede suco sira iha rai-laran.

Sr.ª Angélica da Costa (FRETILIN) secunda declaração Deputado sira-nian kona-ba problema eletricidade, estrada no bee mos ne'ebé acontece iha Timor laran. Nia lamenta estrada Ainaro ne'ebé nakonu ho fatuk, estrada parte Nu'u-Laran, Same, ne'ebé rai-rahun barak. Deputada ne'e hussu atu controla bandeira sira ne'ebé hassa'e iha sede suco sira no questiona kona-ba salário ba professor sira iha áreas remotas ne'ebé diferente ho professor sira iha vila.

Sr.ª Secretária de Estado dos Assuntos Parlamentares (Maria Teresinha Viegas) hatán ba preocupação hussi Sr. Deputado sira mak hanessian Manuel Gaspar Soares da Silva (FRETILIN), Brígida Antónia Correia (CNRT), Leonel Lisboa Marçal (FRETILIN), Benvinda Catarina Rodrigues (FRENTI-MUDANÇA), Manuel de Castro Pereira, Anastácia da Costa Amaral, Paulo Moniz Maia no Angélica da Costa (FRETILIN), César Valente de Jesus «Piloto» (CNRT) no ikusliu Florentina Martins Smith (FRETILIN).

Sr. Presidente fó-hanoin ba Deputado sira atu preocupa mós ho sira-nia saúde, inclui funcionário tomak Parlamento Nacional nian.

Sr. César Valente de Jesus «Piloto» (CNRT), iha ponto de ordem, questiona kona-ba mesa hatuur urna Deputado sira-nian ne'ebé mate atu halo oinsá tuir cultura Timor nian.

Sr.ª Florentina da Martins Smith (FRETILIN), iha ponto de ordem, informa ba Deputado sira atu tuir reunião iha parte loraik nian.

**Ordem Do Dia** — Mesa, liuhossi Presidente Parlamento Nacional, baixa ba Comissão de Assuntos Constitucionais, Justiça, Administração Publica, Poder Local e Anticorrupção (Comissão A) Proposta de Lei n.º 20/III (3ª) – Lei do Recenseamento Eleitoral, Proposta de Lei n.º 27/III (3ª) – Lei de Combate ao Tráfico de Droga e Proposta de Lei n.º 30/III (3ª) – Procedimento de Concessão de Indulto ne'ebé Sr. Deputado Arão Noé de Jesus Amaral simu no mós ba Comissão de Negócios Estrangeiros, Defesa e Segurança Nacionais (Comissão B) Proposta de Resolução n.º 17/III (3ª) – Acordo entre a República Democrática de Timor-Leste e a Santa Sé ne'ebé Sr. Deputado Jacinto Viegas Vicente «Roque» simu.

Sr. Presidente taka sessão plenária iha tuku 11 liu minuto 56 dadeer.

Sr. **Presidente**: — Bom dia aos distintos Deputados e distintas Deputadas. Declaro aberta a sessão plenária de hoje e bem-vindos já à 4.<sup>a</sup> Sessão Legislativa, na III Legislatura.

*Horas hatudu tuku 10 liu minuto 2 dadeer.*

De acordo com a nossa agenda de hoje, primeiro dia da 4.<sup>a</sup> Sessão Legislativa desta Legislatura, iremos abrir com a execução do hino nacional *Pátria*.

Depois, no «Período de Antes da Ordem do Dia:

- 1) Pedido de justificação das faltas do Sr. Deputado Jacinto Viegas Vicente.
- 2) Distribuição de ofício escrito do Chefe de Gabinete do Ministro da Educação, datado de 2 de setembro de 2015, em resposta a preocupações dos senhores Deputados, enviado ao Parlamento Nacional através da Sr.<sup>a</sup> Secretária de Estado para os Assuntos Parlamentares.
- 3) Eventuais declarações das bancadas parlamentares.
- 4) Intervenções diversas dos senhores Deputados.
- 5) Informações da Sr.<sup>a</sup> Secretária de Estado para os Assuntos Parlamentares sobre questões suscitadas por senhores Deputados.

Período da Ordem do Dia:

- 1) Anúncio da admissão e baixa à Comissão de Assuntos Constitucionais, Justiça, Administração Pública, Poder Local e Anticorrupção da Proposta de Lei n.º 20/III (3.<sup>a</sup>) – Lei do Recenseamento Eleitoral, da Proposta de Lei n.º 27/III (3.<sup>a</sup>) – Lei de Combate ao Tráfico de Droga e da Proposta de Lei n.º 30/III (3.<sup>a</sup>) – Procedimento de Concessão de Indulto.
- 2) Anúncio da admissão e baixa à Comissão de Negócios Estrangeiros, Defesa e Segurança Nacionais da Proposta de Resolução n.º 17/III (3.<sup>a</sup>) – Acordo entre a República Democrática de Timor-Leste e a Santa Sé».

Esta é agenda que nos temos para hoje. Vamos então, ficar de pé para a execução do hino nacional *Pátria*. Façam favor.

*Execução ba hino nacional Pátria.*

Podem sentar-se, façam favor.

Peço ao nosso Vice-Presidente para ler alguns documentos. Faça favor.

Sr. **Vice-Presidente** (Adérito Hugo da Costa): — Obrigado, Sr. Presidente. Tuirmai ha'u sei lê carta de justificação das faltas Sr. Deputado nian ho nia teor mak hanessan tuirmai ne'e:

«Requerimento de justificação das faltas.

Excelentíssimo Sr. Presidente do Parlamento Nacional.

Jacinto Viegas Vicente, Deputado ao Parlamento Nacional, pertencente à Bancada CNRT, vem requerer a vossa excelência que digne considerar justificadas as faltas dadas à reunião da Comissão nos dias 8 e 9 de julho de 2015, por motivo de morte de familiar, o que faz nos termos e para os efeitos previstos nos artigos 8.º, n.º 1, alínea *b*) 2 e 3 e 5.º, n.º 2, da Lei n.º 5/2004, de 5 de maio, do Estatuto dos Deputados, e do art.º 10, n.º 1, alínea *e*) do Regimento do Parlamento Nacional, de 11 de novembro de 2009.

Data, 3 de julho de 2015,

O Deputado Jacinto Viegas Vicente»

Obrigado, Sr. Presidente.

**Sr. Presidente:** — Obrigado, Sr. Vice-Presidente.

É só para lembrar às bancadas parlamentares que o Parlamento tem que escolher e eleger vários membros para o Conselho Superior da Defensoria Pública, Conselho de Opinião da Rádio e Televisão de Timor-Leste, Conselho Superior do Ministério Público e Conselho de Imprensa, por isso as bancadas parlamentares podem começar a partir de hoje a apresentar as candidaturas para os diversos órgãos, para depois procedermos à eleição desses membros.

Eu penso que já tinha dado a conhecer que, em princípio, éramos para ter uma sessão solene de abertura, mas o Sr. Presidente da República, na altura, estava em visita oficial à China e ao Japão — tive informações, parece que não foi ao Japão por motivos que temos que saber — e então o Presidente da República disse que estaria disponível para a última Sessão Legislativa em 2016, por isso não temos a sessão solene de abertura.

Não sei se as bancadas parlamentares têm algumas declarações políticas a fazer ou não. Se não têm, pronto, obrigado.

Sr. Deputado Manuel Gaspar, tem a palavra, faça favor.

**Sr. Manuel Gaspar Soares da Silva (FRETILIN):** — Muito obrigado, Sr. Presidente.

Bem-vindo ba Sr. Presidente e toda componente da Mesa do Parlamento Nacional, S. Ex.<sup>a</sup> Secretária de Estado dos Assuntos Parlamentares, colega Deputado sira hotu, povo Timor laran tomak no povo maubere tomak.

Sr. Presidente, ha'u hakarak halo observação ida de'it iha-ne'e. Iha ita-nia início da 4ª Sessão Legislativa, ha'u observa katak ita férias durante fulan rua tomak, maibé ita-nia sessão ne'e quando atu começa, ita halo atrasa tan. Ha'u hanoin observação ida que ha'u halo ne'e, ohin kedas ita mai iha-ne'e, ita haree ita-nia ema barak mak assiste iha kotuk mós orsida bele repara buat ne'e e ita sente ladún di'ak. Ita, Parlamento Nacional, halo férias durante dois meses inteiros, depois, bainhira ita atu

hahú fali ita-nia sessão mós ita tem que demora tan! Ne'e tanba ema barak mak iha kotuk, sira haree buat ne'e katak ita ladún assume ita-nia responsabilidade como órgão de soberania.

Então, primeiro ponto, Sr. Presidente, ha'u contente quando Governo prepara ró ne'ebé halo carreira entre Díli ho Oecússi, maibé iha buat ida que ha'u acompanha no ha'u haree ladún di'ak, tanba ró quando fila hussi Oecússi mai Díli, ne'e tula ema, bibi, karau ho ema ne'ebé toba kahur malu de'it. Ne'e tanba ha'u atu bá Oecússi hodi halo contacto ho eleitor, maibé ha'u la consegue liu hussi dalan terrestre, então ha'u tem que hatama carreta iha ró laran hodi bá ne'ebá. Ha'u to'o iha-ne'ebá, halo tiha contacto ho eleitor, e bainhira ha'u fila, ha'u hatama fali carreta iha ró laran, então, ha'u repara katak povo, feto no mane no labarik, toba kahur malu ho bibi no karau-vaca ne'ebé ró ne'e tula. Então, ha'u hussu ba ró-na'in: «Tanbassá mak buat ne'e hanessan ne'e?» Sira hatán katak «Lae, tanba ema barak liu». Ha'u dehan: «Então, Ita-Boot nia gestão oinsá?! Ita-Boot tem que haree no controla cadeira ne'ebé preparado ba ema passageiro sira. Quando imi fa'an imi-nia bilhete, bainhira ema to'o ona, lalika admite tan ona. Agora imi fa'an bilhete liu tiha, ema mai barak ona, ema nia tuur-fatin la iha ona, então imi tem que sulan ema sira-ne'e hodi toba hamutuk ho animal sira.» Sr. Presidente, problema tanba momento ne'ebá ha'u la lori máquina fotográfica, nune'e ha'u la hassai foto, mas ida-ne'e ita haree la di'ak. Ne'e bibi ho karau sira-nia tee no mii sira-ne'e suli tan de'it ba ema sira ne'ebé toba ne'e. Ida-ne'e ha'u sente capaz ona tanba Governo prepara ró atu facilita ita-nia passageiro sira, maibé tem que haree mós condição, selae prejudica fali ita-nia povo nia saúde.

Segundo ponto, Sr. Presidente, foin semana kotuk ne'e duni, ha'u bá halo tan contacto ho eleitorado iha Maliana, liuliu iha Posto Administrativo Cailaco, Suco Dau Udo, ne'e suco ida que isolado. Distância Posto Administrativo Cailaco ba suco ida-ne'e iha 15 quilómetros, maibé estrada ne'e povo mak ke'e de'it no à rasca tebes. Ha'u hanoin bailoro hanessan ne'e ita bele tama, e tempo udan tan ita lalika mehi atu bá suco ida-ne'e, ne'e iha problema boot ida ba povo ida-ne'e. Depois, estrada la'ós to'o de'it iha suco ne'e, maibé sei liga tan ba suco rua iha kotuk tan bá.

Ha'u sei refere mós ba suco ida-ne'e kona-ba eletricidade, Sr. Presidente. Ba eletricidade, companhia sira ne'ebé serviço ne'e, sira harii tiha ninia riin hahú iha tinan 2012, e fio sira dada tiha ona, maibé sei falta 1,5 km mak sira seidauk halo serviço bá, e to'o agora eletricidade la lakan. La hatene ninia obstáculo ne'e saida mak to'o agora companhia ne'e bele parado tiha, hahú iha 2012 to'o agora. Ne'ebe, ita-nia comunidade iha-ne'e, sira lamenta ba situação rua ne'e, liuliu estrada no mós eletricidade, Sr. Presidente.

Ha'u hanoin ida-ne'e mak ha'u-nia intervenção ba biban ida-ne'e, e ba atenção obrigado, Sr. Presidente.

**Sr. Presidente:** — Obrigado, Sr. Deputado.

A seguir, Sr.<sup>a</sup> Deputada Brígida Correia, faça favor.

Sr.<sup>a</sup> **Brígida Antónia Correia** (CNRT): — Obrigada, Sr. Presidente.

Bom dia ba Ita-Boot, Mesa, colega Deputado sira no Sr.<sup>a</sup> Secretária de Estado dos Assuntos Parlamentares.

Ha'u hakarak foti problema kona-ba saneamento, ne'ebé relaciona mós ho saúde. Iha tempo recesso nia laran, ha'u nota e acompanha diretamente ema ne'ebé ho carreta hodi foti fo'er, ne'ebé liu hussi ami-nia uma e liu hussi parte ka ami-nia direção ne'ebá, katak ema sira-ne'e ra'ut fo'er la ho luvas, nem *masker*. Ida-ne'e maka ha'u haree katak coitado tebes. Ita tau ema sira ne'ebé serviço iha-ne'ebá, se companhia rassik ou parte Governo la tau consideração ba ida-ne'e, ne'e coitado, sira ne'ebé serviço iha parte ne'ebá, ne'ebé sira tem que serviço duni bá, em vez de iha saúde ne'ebé di'ak, maibé ne'e sei afeta ba sira-nia saúde. Tanba ne'e maka ha'u hussu ba Governo, liuliu ba Ministério da Administração Estatal no mós Município Díli nian, atu tau consideração ba companhia ne'ebé contrata ema atu foti fo'er, liuliu sira-ne'ebé bá ho caminheta hodi foti fo'er. Ida-ne'e maka ha'u hakarak foti iha loron ida-ne'e, tanba ha'u sente katak importante tebes no ita tem que antecipa do que ema sira-ne'e moras hotu mak ita foin buka meios atubele trata sira-nia saúde.

Sr. Presidente, ne'e maka ha'u hakarak hato'o ba ita hotu e hussu consideração ba Governo.

Obrigada.

Sr. **Presidente**: — Obrigado, Sr.<sup>a</sup> Deputada.

Sr. Deputado Leonel Marçal, faça favor.

Sr. **Leonel Lisboa Marçal** (FRETILIN): — Obrigado, Sr. Presidente.

Bem-vindo ba Sr. Presidente no ita hotu iha fatin ida-ne'e no dadeer di'ak ba ita hotu.

Sr. Presidente, iha fulan rua nia laran, ita recesso, maibé ami mós la sente katak iha recesso tanba durante fulan rua ne'e, iha tempo ba ami atubele halo contacto ho eleitorado no hassoru filafali eleitor sira ne'ebé iha base, e rona diretamente suspiro ka preocupação iha povo sira-ne'e nia leet, nune'e ohin hanessan oportunidade ba ami atu hato'o preocupação sira-ne'e iha fatin ida-ne'e.

Primeiro, hakarak hato'o kona-ba ami-nia contacto eleitoral iha Tilomar, suco Maudemo, katak horas ne'e daudauk tempo atu povo sira fila rai no halo toos ba tinan nian, maibé povo sira prepara hotu sira-nia rai atu fila, e quando ba hussu trator iha Direção Agricultura Município nian agora daudauk trator sira-ne'e sira recolhe hotu no lori ba iha oficina ka *bengkel* ne'ebá. Ne'e trator di'ak ka aat, sira recolhe hotu e povo sira preocupa tebetebes tanba atu fila rai no kuda batar ne'e iha tempo. Se agora daudauk trator sira-ne'e sira recolhe hotu ba iha armazém, então udan tun rai tiha maka sira foin hassai fali hodi fila rai, *berarti* povo sira iha-ne'ebá sei sussar. Sira suspira katak se la iha decisão lailais ba trator sira-ne'e para facilita povo hodi fila rai, ne'e significa katak tinan oin mai, povo tem que hamlaha tanba la bele halo toos. Ne'ebe, hussu ba Sr.<sup>a</sup> Secretária de Estado atu fó informação ne'e

ba Ministério da Agricultura e Pescas atu fó explicação claro ba sira, tanba saida maka trator ne'e recolhe hotu fali hussi suco-suco ba hotu iha município nian. Povo hein hela, bainhira mak bele fó informação ne'e ba sira, tanba sira hussu ba Chefe Agricultura nian, maibé la iha informação e nia hatete de'it katak: «Se imi hakarak hussu, bá hussu iha nacional. Ne'e ordem hussi nacional para recolhe trator sira». Ne'ebe, ha'u hakarak hussu para Ministério da Agricultura e Pescas bele fó explicação claro ba povo. E karik iha buat ruma, bele facilita povo sira hodi fila rai bá, depois de ko'a rai hotu tiha maka bá hadi'a trator sira ka halo buat seluk ruma.

Segundo, atu hato'o mós kona-ba preocupação ne'ebé barak tebetebes hussi Posto Administrativo Fatumean. Sr. Presidente e Sr.<sup>a</sup> Secretária de Estado, Posto Administrativo Fatumean, bainhira ha'u to'o iha ne'ebá, ha'u rassik haree ho matan, ne'e ita bele dehan katak sira seidauk *menikmati* saida maka independência ida-ne'e! Totalmente sira la dehan katak sira ukun-an. Primeiro, buat ne'ebé ita bele dehan maka ne'e, to'o agora ossan ne'ebé sira usa mak *rupiah*. Ita bá iha-ne'ebá, sira la kaer ossan dólar. Ha'u hussu ba sira: «Tanba saida maka imi kaer fali *rupiah* mak barak, dólar imi la conhece? Sira dehan ba ami: «Ami kaer *rupiah* ne'e fácil liu ba ami-nia moris, mas bainhira ami kaer dolar, ne'e ami bele mate hamlaha iha ami-nia Posto Administrativo ida-ne'e». Se sira lori *rupiah* facilita sira tanba bessik liu ho dalan ilegal no hateke malu ba mota kuak ne'e, nune'e sira bele bá sossa *super mie*, mina, iha kraik ne'e. Maibé, se sira kaer dolar, bainhira sira atu sossa mina ida, ne'e sira tem que gasta 50USD ou 100USD para bele sossa hodi fila-liman iha Município Covalima/Suai to'o posto administrativo sira seluk. Tanba dalan ida ne'ebé agora facilita transporte hussi Município Covalima, Suai kota ba Fatumean, Sr. Presidente, ne'e la'ós dalan, dalan la iha! Ami bá to'o iha-ne'ebá, ne'e hanessan ami lori mate mak bá sossa de'it, e ne'e tanba cumpre dever ne'ebé povo fiar mai ami maka ami to'o iha-ne'ebá para haree. E ha'u hatete ba sira iha-ne'ebá: «Imi-nia Deputado Suai nian iha na'in-hira kedas maka iha Parlamento ne'ebá!» Suai-oan sira ne'ebé iha-ne'e tem que hatete. Ne'e la'ós ba Posto Administrativo Fatumean de'it, maibé ba mós Fatulúlic no Fohorem ne'e totalmente estrada la di'ak. E povo iha-ne'ebá, ha'u haree katak sira-nia produto local ne'ebé iha mak hanessan: kamii, café no buat barak tebetebes. Maibé ha'u hakarak hatete katak Fatumean ne'e dalan mós sussar tebetebes, bee moos ba sira iha posto administrativo tomak mós la iha. Ne'e ha'u-nia colega Francisco Andrade foti tiha ona, katak sira tem que ba kuru bee iha fronteira Indonésia nian, ne'e bee-matan ida de'it maka iha para sira kuru hadau malu iha-ne'ebá. Ne'ebe, ha'u hussu ba Sr. Presidente atu tau matan to'ok, ba Sr.<sup>a</sup> Secretária de Estado atu haree to'ok no ba membro Governo sira, se bele, la'o mós dala ida, dala ida bá to'o iha-ne'ebá para bele sente mós sofrimento povo ninian iha-ne'ebá. Ne'e primeiro, sira sofre ba estrada, sira la bele halo movimento hala'o sira-nia economia tanba dalan. E sira bele usa fali *rupiah* to'o ohin loron ne'e, tanba saida? Ita halo estrada iha-ne'e no *aspal goreng* tau tan, tau tan, mas ita la bele tau netik uitoan para haree netik sira ne'ebé iha Fatumean ne'ebá.

Sr. Presidente, iha Fohorem mós hanessian, estrada aat mas sira-nia *hasil alam* ne'e iha, ne'e iha modo no buat barak iha-ne'ebá hodi sira bele kuda. Sira kuda repolho no fehuk-roupa barak tebetebes, mas ha'u hussu ba sira: «Nu'ussá imi la hodi ba fa'an?» Sira hatán: «Ami ba fa'an liu hussi ne'ebé? Estrada la iha».

Iha fali Fatulúlic, agora daudauk ne'e, cada uma-kain halibur kamii iha karón ruanulu e ruanuluressin, e sira bele moris ho buat sira ne'e, mas estrada la iha. E posto administrativo tolu ne'e, sira bolu F3 (Fatumean, Fatulúlic no Fohorem). Ba F3 ne'e estrada totalmente ita bele dehan katak la iha ba sira.

Tuirmai, ida aat liu tan maka eletricidade. Kona-ba eletricidade, iha suco vizinho sira, suco ida bessik malu e balu hetan ona ahi tinan rua ou tinan tolu ba kotuk, maibé balu até à data eletricidade la iha ba sira. Sira sente katak ne'e Governo halo discriminação boot ida ba sira-nia moris ida-ne'e. Sira mós precisa atu *menikmati* moris ne'e hanessian ho vizinho iha sorin. Talvez, sira atu halo festa iha sira-nia fatin, maibé ahi la iha, nune'e sira tem que bá empresta ahi ema sorin nian para dada mai. Idane'e, ha'u hanoin, tinan naruk ona mak ita ukun-an, di'ak ida-ne'e iha fatin balu de'it no iha fatin balu sei hetan sofrimento.

Sr. Presidente, ha'u hanoin ha'u-nia tempo hotu ona e desculpa.

Obrigado barak.

**Sr. Presidente:**— Obrigado, Sr. Deputado.

Tuirmai, Sr.<sup>a</sup> Deputada Benvinda Catarina Rodrigues, faça favor.

**Sr.<sup>a</sup> Benvinda Catarina Rodrigues (FRENTI-MUDANÇA):** — Obrigada ba tempo, Sr. Presidente.

Bom dia ba Ita-Boot, Sr. Presidente, colega Deputado sira no mós Secretária de Estado dos Assuntos Parlamentares e bem-vindo ba ita hotu ne'ebé ohin bele hassoru malu fali atu halo ita-nia serviço hanessian baibain iha passado.

Primeiro, Sr. Presidente, ha'u hakarak ko'alia kona-ba problema eletricidade, liuliu iha bairro Comoro *Kampung Tuti* ne'ebé começa horissehik tuku 9, eletricidade ne'e mate tiha horas ida, depois lakan filafali mas la to'o 5 minutos mate fali, e nune'e de'it to'o dala tolu. E ne'e la'ós foin maka acontece dala ida, mas beibeik de'it ona. Ha'u hussu atu Sr.<sup>a</sup> Secretária de Estado dos Assuntos Parlamentares bele liga diretamente ba sira ne'ebé serviço iha apoio ba manutenção eletricidade nian atubele haree iha bairro ne'ebá, nune'e ida-ne'ebé aat precisa atu troca tanba horas ne'e daudauk ema precisa usa eletricidade hodi liga ba bee moos, ba serviço hotu-hotu, ba geleira no selusseluk tan ne'ebé ita-nia população precisa.



Segundo ponto, atu ko'alia kona-ba bee mós iha parte ne'ebá duni, ne'e semana ida parece que bee mai de'it dala rua no dala tolu, mas iha mós katak nia la mai dala rua e dala tolu tuituir malu. Ne'e sussar tebes ba bee. Começa horissehik mós mak bee la mai. Ha'u hanoin ita-nia Vice-Ministro precisa haree tanba quase maioria colega Deputado hussi Parlamento ida ko'alia beibeik kona-ba ida-ne'e. Ha'u hanoin ita precisa atu resolve ona karik!? Tanba ita-nia população precisa bee, inclui ita sira ne'ebé tuur iha-ne'e mós precisa bee, tanba ne'e maka ha'u-nia preocupação ne'e, ha'u precisa hato'o.

Terceiro, hakarak ko'alia kona-ba estrada Bebonuk nian, ne'e fulan rua liubá estrada ne'e aterro tiha ona e capaz tebetebes e agora microlete ho número 09 mós liu hussi ne'ebá. Uluk quando sira aterro, careta tanque nian tuir sira hodi rega, mas agora daudauk la rega ona, hussi bairro ne'ebá, liuliu escola-oan sira iha Escola Pública n.º 2 Bebonuk no mós Escola Brasil, labarik oan sira-ne'e, quase hetan *ISPA (Infeksi Saluran Pernapasan Akut)* hotu. Sira me'ar no inus-been tanba rai-rahun suar maka'as. Ita-Boot sira hatene katak fatin ne'ebá mós careta e motorizada sira bá-mai no ema la'o barak. E agora daudauk uma sira ne'ebé bessik ne'e rai rahun de'it, ai-hun no ai-dila sira ne'ebé hamriik ne'e mós rai rahun de'it. Ha'u-nia colega Deputado Anselmo mós hela bessik iha-ne'ebá no nia hatene muito bem kona-ba situação ida-ne'e. Tanba ne'e maka ha'u hakarak hussu ba Sr.<sup>a</sup> Secretária de Estado dos Assuntos Parlamentares, karik bele, liga diretamente ba ita-nia Ministro das Obras Públicas, Transportes e Comunicações atu bolu atenção ba ita-nia companhia ida-ne'e. Ne'e pelo menos precisa rega netik hussi dadeer to'o lokraik, tanba horas ne'e daudauk labarik barak mak hetan moras iha parte ne'ebá, liuliu inus-been ho me'ar.

Ida-ne'e de'it maka ha'u hakarak ko'alia.

Muito obrigada.

Sr. **Presidente**: — Obrigado, Sr.<sup>a</sup> Deputada.

Sr. Deputado Manuel de Castro, faça favor.

Sr. **Manuel de Castro Pereira (FRETILIN)**: — Obrigado, Sr. Presidente.

Bom dia ba Ita-Boot, Mesa, S. Ex.<sup>a</sup> Sr.<sup>a</sup> Secretária de Estado dos Assunto Parlamentares, colega Deputado sira hotu, *media* no rona-na'in sira.

Ha'u iha ponto lubuk ida de'it, mas em primeiro lugar, ha'u hakarak secunda ha'u-nia camarada Leonel Marçal nian. Problema Suai nian, ne'e la'ós foin primeira vez mak ita ko'alia, maibé uluk, ha'u tenta ko'alia ho Vice-Presidente, Adriano, nia hatete katak iha II Legislatura sira maka ko'alia e agora hussu ba ami mak ko'alia fali. Ne'ebe, ha'u hussu ba S. Ex.<sup>a</sup> Secretária de Estado dos Assuntos Parlamentares atu loke matan, loke tilun uitoan, tanba membro Governo sira, bainhira ita hakfodak, ne'e sira iha tiha ona Bali no iha fatin hotu-hotu, maibé la tun ba iha base, tanbassá maka lakohi tun ba base?! Ita haree iha relatório ne'ebé mai, manutenção carreta nian ne'e maka aas tebetebes, maibé

execução ne'e la iha. Ne'ebe, ami hussu tan dala ida ba S. Ex.<sup>a</sup> atu haree ida-ne'e, e hussu ba membro Governo sira atu poupa ossan uitoan, labele ba de'it rai-li'ur, di'ak liu ba de'it rai-laran hodi resolve situação.

Segundo, ha'u hakarak hussu ba Sr.<sup>a</sup> Secretária de Estado dos Assuntos Parlamentares atu hussu ba Ministro das Obras Públicas, Transportes e Comunicações para haree didi'ak, liuliu ba empreiteiro sira. Empresário sira ne'ebé halo estrada, labele inventa BoQ (*Bill of Quantity*) naranaran de'it atubele hamossu tan orçamento boboot. Exemplo mak hanessan dalan tessik ba Delta nian, manilha boboot sira ne'e serve ba bee dalan, la'ós atu ba harii fali iha-ne'ebá, ne'e ita haree feio tebetebes. Tanba saida? Tanba de'it dehan katak ossan atu ba saida nian la iha, ne'e duni aumenta sassán sira-ne'e para depois hodi bele aumenta ossan. Ha'u hanoin buat ne'e ladún di'ak, se bele karik serviço tuir desenho no BoQ ne'ebé iha, tanba ita liu iha-ne'ebá, ita haree sassán sira-ne'e ladún di'ak.

Tuirmai, ha'u hakarak hatete ba Sr.<sup>a</sup> Secretária de Estado dos Assuntos Parlamentares, ha'u haree ró Nakroma ne'e para de'it iha tassi-ibun ne'e bessik fulan ona, hussu ba Sr. Vice-Ministro, uluk iha-ne'e ko'alia maka'as maka ne'e, ha'u lakohi sassán sira-ne'e mossu fali iha tempo ida-ne'ebé ita bá executa. Sassán sira-ne'e tem que haree halo didi'ak. Ne'e fulan ida ona no quase atu ba fulan rua ona maka la bá halo manutenção no para hela de'it iha tassi-ibun ne'e, nia motivo ne'e saida? Se bele karik explica para ami hodi bele haree.

Tuirfalimai hakarak hussu ba Ministro da Agricultura e Pescas katak bailoro ne'e falta de'it fulan ida ona, Governo fó mina gratuito ne'e la'o ka lae? Ka sei nafatin hanessan uluk? Então, ita conta ho matemática,  $1+1=0$  nafatin ka  $1+1$  tem que 2? Ha'u hussu ba Ministro da Agricultura e Pescas atu haree ida-ne'e. Bainhira ami bá iha baze, iha momento sira-ne'e, liuliu ema to'os-na'in sira, preocupa maka'as tebetebes ho ida-ne'e. Ne'ebe, ha'u hussu ho haraik an ba S. Ex.<sup>a</sup>, VI Governo ne'e tem que halo mudança ida que maka'as tebetebes, labele atu VI Governo ne'e nia naran maka VI Governo, maibé nia implementação ne'e sei hanessan IV Governo nafatin. Ida-ne'e maka ha'u hakarak hato'o.

Ida seluk ba estrada sira ne'ebé companhia Estrada Boot Di'ak halo, hussi Assalaitula mai to'o Venilale, uluk sira promete atu tau alcatrão, maibé to'o ohin loron la tau. E ha'u rona katak companhia ne'e *bangkrut* tiha ona, maibé Governo hassai ossan lubuk ida ba iha-ne'ebá, ne'ebé bessik 9 milhões de dólares ne'e, ne'e precisa relatório ne'e mai iha-ne'e para depois ami hakarak hatene kona-ba ida-ne'e. Sassán sira-ne'e hanu'ussá mak ita labele hatene! E ami haree katak começa hussi Vemasse tessik mai ne'e ke'e fali ona alcatrão sira ne'ebé uluk nia taka ne'e. La hatene bainhira mak atubele halo ida-ne'e?! Ne'ebe, hussu ba S. Ex.<sup>a</sup> atubele haree halo didi'ak. Ba VI Governo ne'e ita hakarak haree ninia resultado, la bele ita mak troca Governo tun-sa'e de'it, maibé ninia implementação ne'e la la'o ba oin.

Ha'u hanoin ida-ne'e mak ha'u hakarak hato'o, tempo mós to'o ona, obrigado barak ba tempo ne'ebé fó, maibé ha'u hussu tan dala ida ba S. Ex.<sup>a</sup> Secretária de Estado atu hato'o relatório kona-ba 9 milhões ne'ebé companhia Estrada Boot Di'ak halo ne'e mai ami, atu ami haree ida-ne'e.

Obrigado barak.

Sr. **Presidente**: — Obrigado, Sr. Deputado.

Sr. Deputado Virgílio Hornai, faça favor.

Sr. **Virgílio da Costa Hornai** (PD): — Obrigado, bom dia ba Sr. Presidente, colega Deputado sira hotu, Sr.<sup>a</sup> Secretária de Estado dos Assuntos Parlamentares.

Loron di'ak ba ita hotu tanba ita consegue hala'o fali ita-nia knaar hodi halo nafatin representação política, liuliu iha serviço ne'ebé ita tem que ser exerce, tanba orçamento mós bessik daudauk ona.

Primeiro, hanessan fiscalização normal ida, diário ida ba serviço Governo nian, ha'u liga ba serviço Governo nian, ba instalação fio eletricidade nian iha cidade ka capital. Ha'u hanoin forma ka maneira instalação de fio ka linha eletricidade iha capital ne'e tem que muda. Se ita bá li'ur, ita observa ema ninia cidade ne'e sira ordena capaz, maibé mai fali ita-nian ne'e... Ha'u hanoin se aban-bainrua ita la ordena cidade ne'e didi'ak, tinan-tinan ita sei investe ossan ba desenvolvimento infraestrutura nian, mas nia qualidade ne'e la'ós demonstra qualidade ba obra país ida nian, maibé ne'e hanessan fali província ida nian, ka Indonésia nian karik dehan *kabupaten* ida ka distrito ida nian. Ne'ebe, ha'u hanoin, tem que ser revê política instalação fio eletricidade nian, nune'e hodi hakoi fio ba iha rai. Ita tem que fó atenção ba ida ne'e, e ha'u hanoin ne'e iha custo boot uitoan, maibé tem que ser prevê orçamento atu ordena cidade ne'e didi'ak.

Segundo, ha'u fó observação ida kona-ba respostas ba preocupação Deputado sira-nian. Ohin iha agenda mós iha sessão ida ba leitura ida, mas la consegue, mas ha'u hanoin resposta ba Deputado ne'e, ne'e política, tanba ne'e, intervenção sira ne'ebé Deputado sira halo ne'e tem que hetan resposta política iha nível execução. Então, responsável político mak tem que fó resposta ba Deputado sira, la'ós funcionário ida, diretor ida, diretor-geral ka secretário ou chefe gabinete ida mak mai fó resposta política ba preocupação Deputado sira-nian, ne'e ha'u la aceita, Sr.<sup>a</sup> Secretária de Estado. Ne'ebe, ha'u-nia preocupações mak diretor ida fó resposta, ha'u la simu, e ha'u sei desafia Ministro ida-ne'e katak nia halo saida! Quer dizer nia mós la hatene serviço sira hussi ninia ramo sira iha kraik ne'ebá. Ne'ebe, ha'u hanoin resposta tem que ser mai hussi Ministro ou Vice-Ministro, tanba ne'e resposta política ba execução orçamento ida e tanba Deputado sira ninia knaar ne'e mós halo fiscalização política ba acto de execução ida. Ne'ebe, nia resposta ne'e tem que resposta política mós.

Ha'u halo mós observação ba situação económica ita-nia País nian, liuliu economia povo ida-ne'e nian. Se ita hakarak sai na'in ba ita-nia desenvolvimento económico País ne'e nian, liuliu projeção ba

futuro, ita tem que iha política de incentivo fiscal ida hodi tau ossan ba ita-nia banco, atu nune'e ita-nia setor privado bele acesso ba crédito ida, selae mak ne'e, cidade Díli ne'e ema mai ho nia ossan, halo facilidade ka constrói uma sira-ne'e, depois ita hein ba aluga de'it e aluga mós la'ós ita, ema sira ne'ebé mai hussi li'ur mak tama ba aluga hodi halo negócio. Ha'u hanoin situação ne'e lori ona ita ba iha situação ida-ne'e, maibé tem que ser ita mós preocupa, selae mak ne'e, aban-bainrua la'ós ita mak sai na'in ba ita-nia País ida-ne'e, maibé ema mak mai halo investimento iha-ne'e e ema mak sei domina economia. Se país ida mak ema domina nia economia ona, ha'u hanoin decisão sira-ne'e ema sei influencia hotu, ita sira-ne'e hotu ema sei influencia tanba nia iha capital. Ne'ebe, ha'u hanoin Timor atu sai na'in ba Rain ida-ne'e, País ida-ne'e, ha'u hanoin tem que ser muda ita-nia política fiscal ida atu incentiva ita-nia empresário sira atu acesso ba crédito hodi halo negócio. Ha'u la hatene tinatinan ita discute orçamento ne'e, ita-nia sensibilidade ba situação ida ne'ebé ita absorve ita-nia orçamento ne'e iha política ida-ne'e ka lae? Se lae mak ne'e, ha'u hanoin ita hatán ba pacote fiscal ida ka orçamento tinan ida, maibé ita la consegue fó resposta ba ita-nia situação ida katak orçamento próprio ne'ebá atu fó solução ba ita-nia problemas iha ita-nia Rain. Ne'ebe, ha'u hanoin ida-ne'e lori consciência política ida atu ita fó solução ba problema sira-ne'e.

Ha'u aceita mós, primeiro, ba ita ninia desenvolvimento infraestruturas, liuliu estradas, bee moos, ne'e tem que halai to'o mós ba município sira, tanba sofre tebetebes, ha'u hanoin ita tinan 15 ona mak ukun-an, maibé resultado desenvolvimento ne'ebé la'o iha município neineik demais liu. Ha'u halo referência ida de'it, Sr. Presidente, molok atu conclui, se Oecússi ita fó reconhecimento hodi atribui titulo ida no fó mós condição orçamento ida ba atu resolve situação Oecússi nian, nu'ussá mak cada município sira-ne'e ita la haree ona ida-ne'e? Ha'u hanoin ita ta'uk demais, ita ta'uk demais atu tau ossan iha município sira atu ema iha município sira bele desenvolve ona sira-nia município. Ne'ebe, ita mós la bele halo discriminação iha política orçamental ida katak iha parte ida ita bele fó condições, maibé iha parte balu ita la bele fó condições. Tanba hanessan representante povo, ita tun ba kraik, situação ne'e ema lamenta, maibé lamentações ne'e hela de'it ho sira e nunca canaliza iha ita-nia política orçamental ba situação sira-ne'e.

Ida-ne'e mak ha'u-nia intervenções, hein katak orçamento ida mai ne'e, la'ós atu ita discute nia montante, maibé ita discute kona-ba situação ida katak atu fó solução ba problema sira.

Obrigado.

**Sr. Presidente:** — Obrigado, Sr. Deputado.

Haree ba tempo uitoan, Srs. Deputados.

Tuirmai, Sr. Deputado Eládio Faculto, faça favor.

Sr. **Eládio António Faculto de Jesus** (FRETILIN): — Obrigado, bom dia ba Sr. Presidente, Sr.<sup>a</sup> Secretária de Estado dos Assuntos Parlamentares, colega Deputado sira e ba povo maubere, saudações revolucionárias!

**Lian hussi Deputado balu FRETILIN nian:** — Saudações revolucionárias!

Sr. **Eládio António Faculto de Jesus** (FRETILIN): — Ha'u hanoin, Sr. Presidente, Sr. Presidente Nicolau Lobato sei hirus ita. Sr. Presidente Nicolau Lobato sei hirus liu tanba nia haree katak Presidente do Parlamento Nacional haree de'it mak cidade Díli no la haree ba foho. Povo sira ne'ebé moris iha área rural, sira moris iha situação ne'ebé aat liu. Foin lailais ha'u bá iha Camea, iha fatin ne'ebá, povo ida-ne'ebé bessik iha Díli mós bee moos la iha. Ita-nia oan sira tanis no halerik ba Sr. Presidente Nicolau Lobato. Bá iha Bazartete, Sr. Presidente Nicolau Lobato nia rain, iha Bazartete, fatin ida que uluk ita-nia Presidente moris iha-ne'ebá, ita halo monumento boboot iha fatin hotu-hotu, Sr. Presidente Nicolau Lobato seidauk hakarak ida-ne'e, maibé nia hakarak mak ninia oan hetan bee moos, hetan ahi eletricidade. Sr. Presidente, ita quando hetan bee moos, ita-nia issin sira-ne'e moos, ita-nia saúde di'ak, quando ita hetan eletricidade, ita-nia atividade sira la'o di'ak. Uluk hanessan Secretário de Estado ida naran Sr. Egídio, ami-nia camarada, mas ba tiha FRENTI-MUDANÇA, nia dehan: «*No water no life, no electricity no activity*», katak «Sem água não há vida, sem eletricidade não há atividade». Maibé, ohin loron, ita iha Díli laran ne'e de'it, orsida dalan ne'e taka tiha, dudu tiha alcatrão bá, depois halo foun fali, nune'e hela de'it, maibé ita-nia povo sira sente injustiça. Labarik sira iha Assumanu tanis no hussu haraik an ba Sr. Presidente Nicolau Lobato atu Sr. Presidente Parlamento loron ida sei tun to'o ba iha-ne'ebá. Ministro sira la tun ida, só Ita-Boot de'it, se bele, loron ida tun ba Sr. Presidente Nicolau Lobato ninia fatin, iha Bazartete, atu respeita ba ninia luta, ba ninia participação. Ita la bele honra iha tinan-tinan atu haree de'it katak ita hahi'i no fó *saludo* ba ita-nia revolucionário sira ne'ebé luta ba libertação, maibé ita-nia povo sira sei moris iha mukit no kiak, ita ko'alia de'it iha cidade Díli no la ko'alia iha foho.

Ita mós hatene katak Amo Martinho agora, ho maka'as, dehan loron ida campanha mai iha 2017, FRETILIN ho CNRT mak sei sossa votos barak. Amo Martinho halo injustiça ba povo ida-ne'e, bainhira iha CNE (Comissão Nacional de Eleições) nia rassik hatene hela katak CNRT ka FRETILIN ka PD sossa votos karik, ne'e nia rassik mak contribui ba injustiça ida-ne'e. Amo Martinho tuir loloos halo crime boot ida ba nação Timor-Leste, tuir loos nia hatene ona katak ema sossa ka na'ok povo nia votos, tan sá mak nia lakohi atu lori caso sira-ne'e ba justiça? Nia bá ko'alia no halo cantigas barabarak iha *media* social atu hatete katak nia mak verdadeiro herói iha País ida-ne'e. Ne'e atu teoricamente, filosoficamente, nia mak ko'alia hotu de'it, maibé ema seluk mak halo sala. Tan ne'e

mak ha'u hussu ba Amo ka Padre Martinho atu fó confessa didi'ak, la bele halo confessa ba ami iha público ne'e, dehan ami halo sala, Ita-Boot rassik mós halo sala iha público ne'e.

Ha'u atu hatete katak povo ida iha Assumanu ne'e bee moos la iha, ahi la iha. Iha Fahilebo ne'e problemas boot. Sr. Presidente, suco ida naran Fahilebo ne'e la'ós de'it ema mak moris la iha bee, maibé fahi de'it mós la iha bee hotu. Ema atu bá casa de banho la di'ak, tan ne'e precisa tau matan hussi Sr. Presidente, se lae, Ita-Boot rassik la dignifica independência ida-ne'e. Povo maubere sei la haksolok ho ita sira ne'ebé kaer ukun ne'e e ita sira-ne'e aban-bainrua mate, balu sei hein ita iha-ne'ebá hodi fó justiça ba ita.

Ha'u haree mós kona-ba foos ne'ebé sossa iha li'ur. Sr. Presidente, ami bá halo estudo de trabalho iha Tailândia, Sr. Embaixador hatete katak foos ne'ebé lori mai iha-ne'e, ne'e foos ne'ebé fó han ba fahi. Ne'e ema companhia sira iha rai-li'ur mak hatete ba Sr. Embaixador Maukura. Nia hatete katak bainhira hassoru malu ho ema companhia sira, sira hussu hanessan ne'e: «Sr. Embaixador, imi iha Timor hakiak fahi barak?», ne'ebe Sr. Embaixador hatán: «Lae, ami la hakiak fahi». Sira hussu fali: «Ne'ebe, imi sossa foos ne'e halo saida?». Sr. Embaixador hatán: «Ami sossa foos hodi han». Ema sira-ne'e dehan fali: «Ne'e foos ida fó han fahi nian». Sr. Presidente, ita Timor ne'e la'ós fahi ka animal mak atu fó han ho foos fahi nian. Ha'u quando ko'alia hanessan ne'e, Sr. Ministro do Comércio, Indústria e Ambiente, Senhor ida ne'ebé foin troca ne'e, ha'u hussu ba Sr. Ministro ne'e atu nia bá ko'alia ho nia embaixador, tanba nia uluk hanessan Vice-Ministro dos Negócios Estrangeiros, nia mak bá hussu Sr. Embaixador, la'ós hussu mai ha'u. Hussu ba ne'ebá, tanba ami hetan informação hussi ne'ebá.

Kona-ba café, ita hatene katak folin café ne'ebé fa'an iha-ne'e 8 centavos ka 1 USD, maibé iha-ne'ebá ita-nia café ne'e hetan 15 USD cada chávena ka xícara. Ne'e mós informação mai hussi ne'ebá. Ita-nia Governo precisa tau matan ba povo nia produto, la bele halo hanessan ne'e, produto sira-ne'e iha folin, maibé ita mai halo exploração ba ita-nia povo.

Sr. Presidente, Sr. Presidente Nicolau Lobato sei hateke ita hotu nia oin.

Obrigado barak.

Sr. **Presidente**: — Obrigado, Sr. Deputado.

Sr. Deputado Francisco da Costa, faça favor.

Sr. **Francisco da Costa** (CNRT): — Obrigado, Sr. Presidente.

Bom dia ba Sr. Presidente, Sr.<sup>a</sup> Secretária de Estado dos Assuntos Parlamentares, distinto Deputado sira.

Ha'u iha ponto tolu ka haat mak hakarak hato'o: primeiro, hakarak ko'alia kona-ba irrigação Larissula, iha Município Baucau, Posto Administrativo Baguia. Povo manifesta tebes kona-ba

Governo ne'ebé fó fiar ba companhia China nian atu halo construção ba barragem ida iha natar Suco Larissula ninian, mas tuir observador ida hussi Indonésia ne'ebé hatete ba comunidade iha Baguia katak barragem ne'e sira la fura, maibé sira *cor* de'it iha rai henek leten. Tanba ne'e, ha'u nu'udar liman-ain povo ida-ne'e nian hakarak hatete, favor boot ida, Parlamento Nacional ne'ebé pertence ba área ida-ne'e bele to'o iha fatin atu haree, e se ida-ne'e mak realidade duni, ha'u fiar katak ita sei fakar ossan boot tan iha ne'ebá. Tanba ossan ne'e ita bele dehan katak quase bessik *trillion*.

Segundo, ha'u hakarak fó recomendação ba área construção estrada nian. Ne'e hanessian ha'u-nia colega Deputado Manuel de Castro hato'o tiha ona, hussi Díli ba Baucau, agora daudaun ne'e estrada kuak sira-ne'e, Governo fó fiar tan ona ba companhia atubele taka, *sedangkan* iha tinan 2014 companhia taka tiha ona, maibé agora ke'e tan fali de'it. Ha'u recomenda de'it, favor boot ida, se ita hakarak fó fiar ba companhia atubele taka kuak sira-ne'e, pelo menos, halo estudo ida katak taka kuak ne'e bele vale to'o tinan hira. Taka kuak ho cêntimo ida ka rua, maibé sassán ne'ebé companhia sira tula ho *ton* ne'ebé maka'as, ha'u fiar katak ohin *cor* aban ne'e nakfera filafali. Oinsá carreta camioneta sira ne'ebé tula sassán todan, ho ida ne'ebé sira *cor* ne'e bele aguenta ka lae hodi hein ba *asfal* ne'ebé atu tau di'ak ne'e? Ne'e sira bele dehan: «Loos duni, Deputado sira hakilar katak ita fakar ossan de'it, fakar duni, tanba ita la fó atenção didi'ak ba buat sira-ne'e».

Terceiro, favor boot ida ba governante sira, estradas ne'ebé hakarak halo construção ka halo luan, ne'e fó duni atenção ida ka publica ba povo, la bele povo halo tiha uma ka construção ruma, e hala'o daudaun hela mós, governante sira nonook de'it, bainhira povo halo tiha ona mak ita bá suru fali. Estrada ne'ebé liga município 13 ne'e, iha ona plano atu halo, ne'e fó duni atenção, apela ba público atu sira mós bele cuidado, la'ós povo halo tiha, ita la fó atenção, depois ita tun bá suru de'it, ne'e sala ita-nian mós. Tanba ne'e, nu'udar representante ida, ha'u atu fó hanoin de'it ida-ne'e.

Quatro, ha'u hakarak hato'o dala ida tan, funcionário Ministério Saúde nian iha território Timor-Leste laran tomak, ha'u hanessian fó coitado fali ba sira. Ne'e funcionário ho nível 1, 2, 3 no 4, Governo anterior fó tiha sira-nia subsídio ida bá, agora hanessian funcionário sira-ne'e mak sala fali, mas funcionário sira iha momento ne'ebá la obriga Governo atubele fó subsídio ba sira. E agora daudaun ne'e VI Governo Constitucional bá ko'a tan fali sira-nia salário, ne'e ita bele dehan coitado ba sira. Ne'e la'ós sira-nia sala! Se ne'e governante ka ita-nia sala, ita la bele bá ko'a fali ema nia salário ida-ne'ebé mínimo tebes ho \$115 no \$150 ne'e. Ko'a tiha sira-nia salário ida \$150 ne'e no ko'a tan subsídio ne'ebé sira hetan iha tinan ida nia laran, coitado!

Ikusliu, ha'u hakarak repete tan dala ida, katak buat ne'ebé fácil ita tem que fó atenção. Exemplo; estrada mercado Becora nian, ha'u bá dala tolu ona e ha'u-nia colega dala barak mós ko'alia ona. Ha'u hanoin fácil atubele hateten katak la bele basar fali iha estrada no iha ponte leten ne'e. Ne'e ita bá sussar tebetebes, paragem ne'ebé *bus* sira para, ne'e mós para la tuir ona dalan. Polícia Trânsito nian

iha, mas la hatene sira-nia knaar ne'e saida? Ohin bá, aban la interesse, bainrua la interesse, fulan mós la interesse, sá serviço mak ne'e?

Obrigado, tanba tempo, Sr. Presidente, desculpa!

**Sr. Presidente:** — Obrigado, Sr. Deputado.

Tuirmai, Sr. Deputado Francisco Branco, faça favor.

**Sr. Francisco Miranda Branco (FRETILIN):** — Obrigado, Sr. Presidente.

Bom dia ba Ita-Boot, Presidente, colega Deputado sira, Sr.<sup>a</sup> Secretária de Estado dos Assuntos Parlamentares.

Sr. Presidente, nu'udar Deputado hussi bancada oposição, ami hanoin katak iha 4.<sup>a</sup> Sessão Legislativa, III Legislatura ne'e, Parlamento Nacional tem que dinamiza hodi ita sai hussi monotonia iha ita-nia serviço ka ita-nia knaar, e ita tem que tau prioridade ba aprovação leis estruturantes ne'ebé ita-nia Estado precisa.

Sr. Presidente, Bancada FRETILIN hakarak sublinha katak sei continua nafatin hanessian oposição, oposição ne'ebé iha ita-nia realidade, realidade País ida-ne'ebé foin mak halo tinan 13, ho 50% população moris iha linha de pobreza nia okos no 45% iletrado. Ba realidade País ida-ne'e nian maka Bancada FRETILIN hakarak halo nia oposição baseia ba valores democráticos ne'ebé ita-nia País, ita-nia Estado abraça ka hakohak tuir ita-nia Lei-Inan hakerek.

Sr. Presidente, tinan hitu ona ne'ebé ita mai hussi 2007, ami hanoin katak ita precisa halo balanço kona-ba ossan hira mak ita gasta tiha ona. Iha setor agricultura ne'ebé sai fundamental e 80% população moris bá, ita sossa trator ho 43 milhões, maibé nia resultado la iha, ne'e tristeza boot, ida-ne'e ita precisa halo balanço.

Sr. Presidente, iha 4.<sup>a</sup> Sessão Legislativa, ita precisa agenda hodi bolu Primeiro-Ministro, tanba mandato fulan hitu liu ona, atu mai relata ba Parlamento Nacional, ba representante povo kona-ba knaar VI Governo Constitucional iha fulan hitu nia laran ne'e. Ita mós precisa implementa artigo ne'ebé dispositivo iha Orçamento Geral do Estado, atu ita bele avalia. Ita mós rona kona-ba implementação bens e serviços, tanba ne'e, ita precisa agenda mós atu bolu Ministro sira hotu hodi mai relata antes ita tama ba Orçamento Geral do Estado de 2016.

Ami hanoin hanessian Deputado hussi partido oposição, tan ne'e ami fó hanoin ida-ne'e iha primeiro dia da 4.<sup>a</sup> Sessão Legislativa, iha III Legislatura ne'e.

Obrigado, Sr. Presidente.

**Sr. Presidente:** — Obrigado, Sr. Deputado.

Sr.<sup>a</sup> Deputada Jacinta Pereira, faça favor.



Sr.<sup>a</sup> **Jacinta Abucau Pereira** (PD): — Obrigada ba oportunidade.

Bom dia ba Sr. Presidente, membro da Mesa, distintos Deputados, Sr.<sup>a</sup> Secretária de Estado dos Assuntos Parlamentares no mós técnicos tomak.

Iha biban ida-ne'e, ha'u hakarak hato'o de'it agradecimento ba Maromak tanba di'ak tomak ne'ebé Nia fó mai ita, liuliu ita bele halibur malu fali hodi continua ita-nia atividade iha 4.<sup>a</sup> Sessão Legislativa, iha III Legislatura. Maski ba 4.<sup>a</sup> Sessão ne'e ita lakon ita-nia colega ida ne'ebé hussik hela ita, maibé ita hussu nafatin nia tulun, atu ita bele hala'o ita-nia knaar ho di'ak ba oin.

Iha biban ida-ne'e, Sr. Presidente, ha'u hakarak hato'o assunto balu, liga ho ita-nia condição odamatan iha Hospital Nacional Guido Valadares, iha sala consulta geral nian, liuliu odamatan hariis-fatin nian. Iha semana kotuk ha'u bá consulta iha-ne'ebá no ha'u haree condição ne'e aat tebetebes. Iha informação ne'ebé senhora *cleaner* sira iha-ne'ebá hato'o katak odamatan sira-ne'e la'ós foin atu aat, maibé aat kleur tiha ona. Sira hato'o tiha ona ba diretor e hato'o beibeik ona, mas la iha mudança e seidauk hadi'a. Tanba, ho odamatan ne'ebé nakloke, wainhira paciente sira bá consulta, balun bá hariis-fatin feto nian ka mane nian, tia sira ne'ebé hamoos rai ne'e mak tem que hein fali, selae ema bele tama tan ba malu de'it iha-ne'ebá, ne'ebé condição ne'e aat tebetebes.

Sr.<sup>a</sup> Secretária de Estado dos Assuntos Parlamentares, ami hussu atu Ita-Boot bele encaminha netik informação ne'e bá, atubele fó atenção ba condição sira hanessian ne'e, tanba ita haree rassik ho matan kona-ba condição ne'ebé grave. Wainhira ita-nia feto maluk ne'ebé issin-rua karik bá consulta, sira bá iha-ne'ebá depois ema sira-ne'e mak atu sai fali segurança mós, ita sente ladún di'ak.

Segundo, atu fó hanoin mós - la hatene ida-ne'e Ministério Turismo ka ne'e tem que iha coordenação ho Ministério da Administração Estatal ou ita-nia autoridade local ne'ebé iha -, liga ba largo ou fatin jardim sira ne'ebé iha ita-nian cidade laran. Liuliu ha'u atu refere ba Largo de Lecidere. Ne'e ita haree katak ninia condição ida foun ne'e capaz tebetebes e furak, lokraik atrai ema barak hodi bele bá iha-ne'ebá, maibé horas ne'e daudaun, ita haree nia condição ne'e, ema hakerek liafuan má barabarak iha-ne'ebá. Ninia bessi ne'ebé loloos satan netik ema ne'ebé lori carreta ho motor ruma ba para iha-ne'ebá, mós bá choque halo aat hotu tiha, ita haree quase atu aat no mós fo'er tebetebes, ne'ebe, ami hussu atubele fó atenção. Iha-ne'ebá *cleaner* sira iha, maibé segurança mak ladún iha. Depois, consciência hussi ita ne'ebé bá iha fatin ne'e rassik mós, ita bele dehan ladún iha responsabilidade ba sassán sira-ne'e. Karik sassán sira-ne'e ita-nian, ne'e ita hotu-hotu tem que cuidado.

Terceiro, ha'u atu dehan kona-ba pulsa ou *voucher* ne'ebé hussi Telkomcel, ita haree ninia número, liuliu iha 5 USD no 10 USD ne'e ladún, maibé comunidade balun sossa *voucher* ka pulsa cartão ida 1 USD ninian, wainhira sira koir atu enche, nia número ne'e la moos e dalaruma tetuk hanessian hotu de'it, e atu lê ne'e dificulta tebes. Se bele, atu fó hanoin ba buat sira-ne'e hodi bele hadi'a ba oin.

Ha'u sente assunto tolu ne'e mak hato'o iha biban ida-ne'e.

Obrigada barak ba tempo, Sr. Presidente.

**Sr. Presidente:** — Obrigado, Sr.<sup>a</sup> Deputada.

Sr. Deputado Felisberto Guterres, faça favor.

**Sr. Felisberto Guterres (FRETILIN):** — Obrigado, Sr. Presidente.

Bom dia ba Sr. Presidente, Sr.<sup>a</sup> Secretária de Estado dos Assuntos Parlamentares no colega Deputado sira.

Primeiro, Sr. Presidente, iha Delta 3, Haas-Laran, bee moos la iha e bee la tama semana ida ona. Equipa ida-ne'ebé controla bee ne'e iha ka lae? Se iha, então sira lakohi serviço duni, e fulan-fulan selu saugati de'it, tanba Díli laran ne'e, fulan-fulan bee sempre menos no bee la iha hela de'it. Tanba ne'e mak comunidade iha-ne'ebá exige, tanba semana ida ona mak bee la tama. Se bele karik, equipa ida ne'ebé controla bee ne'e precisa bá iha-ne'ebá atubele haree bee ne'e.

Segundo, comunidade hussi Vemasse, horissehik ami liu mai, e horibainhira ami bá mós ema exige hela katak tanba saida mak alcatrão ne'e sei di'ak hela, bá loke tiha. Sira aterro fali ho rai-mutin, ida-ne'e mak comunidade sira lamenta tebetebes. Se hakarak hadi'a karik hadi'a de'it ona bá, lalika loke tiha depois taka filafali, la to'o fulan ida-rua aat filafali ona. Buat ida-ne'e la'ós foin primeira vez mak ko'alia, ne'e tinan tolu ona mak ko'alia hela kona-ba bee moos la iha e estrada. Estrada ne'e, nu'ussá mak ke'e tiha, taka fali ho rai-mutin? Tanba saida?! Ida-ne'e de'it e falta buat ruma karik? Loloos karik, atu ko'alia buat seluk ruma, hanessan estrada ne'ebé iha áreas rurais hanessan ohin ko'alia katak la iha, ne'e ita bele ko'alia ida-ne'e. Estrada iha Díli laran ne'e de'it mós hanessan ne'e, bee moos ne'ebé iha Díli laran mós nafatin-nafatin hela de'it. Ha'u hanoin to'o mandato ne'e hotu, kala ita la bele halo buat ida karik! Hanessan mós ohin Deputado Castro ko'alia, orçamento ba alcatrão hussi mota Assalaitula bá Venilale nian, orçamento ne'e iha no ita haree ba boot, mas to'o tinan ida-ressin ona alcatrão ida-ne'e la mossu. Tanba ne'e mak comunidade iha-ne'ebá exige, se bele karik, hussu ba companhia atu responsabiliza ba buat ida-ne'e.

Obrigado.

**Sr. Presidente:** — Obrigado, Sr. Deputado.

Tuirmai, Sr. Deputado Paulino Monteiro, faça favor.

**Sr. Paulino Monteiro (PD):** — Obrigado.

Bom dia, Sr. Presidente ho componente hotu, Sr.<sup>a</sup> Secretária de Estado dos Assuntos Parlamentares, colega Deputado sira hotu no bem-vindo dala ida tan ba ita hotu.

Ha'u iha dois pontos mak atu hato'o: ida mak ita ko'alia kona-ba projetos, hotu-hotu questiona maka'as kona-ba projetos, tanba ne'e mak ha'u-nia hanoin katak oinsá ita halo política ida di'ak, apesar de ita iha Ministério do Planeamento e Investimento Estratégico no plano ida ne'ebé to'o iha 2030, mas oinsá mak ita buka atu hadi'a gestão no halo política ida di'ak para oinsá mak ita bele unifica ka bele iha gestão ida que hamutuk. Por exemplo, se ita ko'alia ba projetos, ita ko'alia mós ba ema nia mentalidade. Tanba, se cada Ministério hassai nia programa, halo nia lançamento ba nia projeto ida-idak tuir sira-nia hakarak, com certeza, ita la iha unificação de gestão, então ita temi-temi kona-ba qualidade de projetos, mas ne'e ita sei la hetan to'o ne'ebé de'it. Tanba-ne'e mak oinsá Ministério relevante sira, Ministério hirak-ne'e hamutuk halo to'ok unificação ida e ho gestão ida que claro, gestão ida que di'ak, atu nune'e ba futuro ita bele sai hussi dalan kuak ne'ebé barabarak.

Ita ko'alia ba política ne'e, hanessian ohin ha'u dehan, mentalidade ida ita hotu hatene ossan, ida-ne'e mak muda ema nia interesse no ema nia hanoin, nune'e ema ladún fó atenção ba nia qualidade. Ne'ebe, ida-ne'e ita hato'o to'ok ba Ministério relevante, oinsá atu halo unificação de gestão ka política ne'ebé di'ak atu iha futuro implementação sira-ne'e bele la'o ho di'ak.

Segundo, ha'u mós fó apreciação ba Ministério do Turismo, foin daudauk mós bá iha Milão, Parlamento sira mós fó apreciação katak halo promoção di'ak ba li'ur atu oinsá mundo ka exterior bele conhece ita. Maibé, dalaruma, ha'u haree katak buat iha barak mak ita gasta barak liu, por exemplo; ita halo de'it buat ne'ebé hassai ossan barak hanessian: danças, halai bicicleta, ba *miss* sira, ne'ebe ita-nia gasto ne'e barak liu e boot tebetebes. Agora oinsá mak ita haree no halo ita-nia política ida di'ak, além de promoção e halo mós projetos básicos, infraestruturas básicas, para iha ona equilíbrio atubele dada receitas ita futuro. Tanba ita haree katak Ministro ne'e capaz, ha'u gosta tanba Ministro ne'e iha influência iha rai-li'ur, mas influência ida-ne'ebé mak halo ossan ladún tama mai Timor. Ita haree ba infraestrutura básica ne'e, se bele, começa agora ita kuda ona, tanba infraestrutura básica mós determina ema atu tama mai ka la tama mai ka ema lori ossan mai fakar iha ita-nia Rain ne'e. Ne'e la'ós ba fakar fali ho dança sira ne'ebé ema haree, bainhira ema dança hotu, ne'e hotu ona; halai bicicleta, bainhira hotu, hotu ona; *miss* ne'e mós, bainhira hotu, hotu ona. Mas, ita haree katak *miss* nia fatin de'it mós la iha, dança nia fatin de'it mós la iha, oinsá mak ita concentra ema iha-ne'ebá para bele hatama receitas? Ne'ebe, ida-ne'e mós ha'u dudu nafatin ba Sr.<sup>a</sup> Secretária de Estado dos Assuntos Parlamentares atu hato'o to'ok ba Ministério relevante atubele haree no halo plano di'ak, la'ós mai ko'alia ibun boboot, mas depois ikusmai nunca hanoin ba receitas.

Ha'u hanoin ida-ne'e de'it, obrigado, Sr. Presidente.

**Sr. Presidente:** — Obrigado, Sr. Deputado.

Sr. Deputado Aniceto Guterres, faça favor.

Sr. **Aniceto Longuinhos Guterres Lopes** (FRETILIN): — Sr. Presidente, ha'u la inscreve ida.

Sr. **Presidente**: — Obrigado, Sr. Deputado.

Sr.<sup>a</sup> Deputada Ilda Maria da Conceição, faça favor.

Sr.<sup>a</sup> **Ilda Maria da Conceição** (FRETILIN): — Obrigada, Sr. Presidente, e muito bom dia.

Bom dia ba Sr. Vice sira, Sr.<sup>a</sup> Secretária de Estado dos Assuntos Parlamentares no colega Deputado sira.

Sr. Presidente, ha'u iha ponto ida-rua mak atu hato'o: primeiro, kona-ba atendimento saúde iha Hospital Nacional Guido Valadares. Sr. Presidente, dala barak mak foti tiha ona iha-ne'e kona-ba atendimento ba ita-nia paciente sira. Dala ida ha'u foti iha-ne'e, se la sala iha tinan kotukbá e agente sira la contente ho buat ne'ebé ha'u levanta iha-ne'e. Maibé, Sr. Presidente, realidade foin daudauk ne'e, iha semana kotuk, senhora ida naran Filomena dos Santos mai hussi Viqueque, no tama iha Hospital Nacional Guido Valadares iha dia 10 kalan, e kalan ne'e la iha atendimento, to'o dia 11 mós la iha atendimento, nune'e to'o dia 11 kalan nia hakotu nia iis. E quando família sira tanis no hakilar ona, então doutor no enfermeiro sira foin halai runguranga tanba sira sente katak um dia e uma noite la iha atendimento ba paciente to'o nia hussik nia iis. Sr. Presidente, ida-ne'e la bele acontece, tanba ita dehan katak saúde gratuito, e ita-nia povo ne'e lori hussi dook mak mai, maibé to'o iha Hospital Nacional atu hetan atendimento, nem sequer ema ida atubele bá atende. Sr. Presidente, ha'u sente dehan katak ida-ne'e la bele acontece. Se sira lakohi serviço, agora ne'e iha ema barak mak atu serviço. Agente de saúde balu iha hela li'ur de'it no agora serviço iha ONG (Organização Não-Governamental) sira, sira la iha fatin atu tama iha estrutura Governo nian ka atu sai funcionário Governo nian. Maibé, funcionário sira-ne'e, tanba sira nu'udar agente de saúde, sira iha juramento, quando juramento ona, ne'e juramento ida que lulik, katak atu atende povo, mas iha realidade, Sr. Presidente, nem sequer ema ida bá atende senhora ne'e to'o hussik iis. Colega Deputado sira, se ita tuur iha-ne'e, ita atu defende povo ida-ne'e, ita atu defende oinsá se ita-nia ema ka ita-nia agente sira halo buat sira hanessian ne'e?! Ne'ebe, ha'u hussu ba Sr.<sup>a</sup> Secretária de Estado, favor ida hato'o ba Sr.<sup>a</sup> Ministra no Sr.<sup>a</sup> Vice-Ministra atubele haree problema sira-ne'e. La bele atu iha Parlamento ne'e, Deputado sira foti, depois sira iha-ne'ebá canta barak, maibé realidade hatudu katak ita-nia ema mate tanba la iha atendimento. Sr. Presidente, ha'u fuan moras quando ha'u rona katak inan-feton ida mai tama iha hospital, nem agente ida mak atu bessik nia to'o nia hussik iis.

Sr. Presidente, ha'u hakarak hato'o mós, e ohin Sr. Deputado balu hato'o ona, kona-ba funcionários do Estado ne'ebé simu ossan iha fatin rua, depois tem que repõe filafali. Ita iha-ne'e hussu fali, coitado! Ha'u hanoin ne'e regras, ita Parlamento tem que defende norma ne'ebé iha no regras ne'ebé iha. Lei Orçamento nian dehan katak la bele simu hussi fatin rua, se simu sala ka iha engano ruma, ita

hussu oinsá mak sira bele repõe, maibé la bele prejudica ita-nia funcionário sira-ne'e, la'ós dehan katak atu taka tiha de'it. Ne'e regra, ita iha-ne'e tem que cumpre regras no tem que hatudu ba ita-nia ema sira atu tuir regras, ita la bele dehan fali katak la bele. Ita hussu atu oinsá mak Ministério das Finanças, liuliu sira-nia direção ffinanças, ko'a sira-nia ossan para sira la bele sai fali vítima, ne'e para sira la bele falta e nune'e bikan ida ba loron ida nian mós la bele falta, ida-ne'e mak ita hussu. Maibé, dehan katak ne'e la'ós sala sira-nian, ne'e engano ida, ne'ebe ita hussu mós atu Ministério das Finanças, liuliu direção tesouraria nian ou direção finanças nian hussi cada Ministério atu haree didi'ak problema sira-ne'e para la bele tau ossan sala ba ita-nia funcionário sira e to'o ikus fali sai problema hanessan ne'e, ita mai iha-ne'e atu hussu filafali, la bele! Regra é regra, e ita iha Parlamento ne'e, ita exige sira para cumpre regra.

Sr. Presidente, mak ida-ne'e de'it, muito obrigada.

Sr. **Presidente**: — Obrigado, Sr.<sup>a</sup> Deputada.

Sr. Deputado Antoninho Bianco, faça favor.

Sr. **Antoninho Bianco (FRETILIN)**: — Bom dia, Sr. Presidente, bem-vindo ba maluk sira hotu. Saudações revolucionárias ba camarada maubere no buibere sira hotu.

**Lian hussi Bancada FRETILIN**:— *Sempre revolucionário!*

Sr. **Antoninho Bianco (FRETILIN)**: — Agradece ba Maromak tanba ohin ita bele halibur malu fali, iha período recesso la'ós feriado, tanba ne'e mak serviço barak ami halo, ha'u consegue atu hato'o balun iha-ne'e, maibé la consegue karik depois bele hato'o iha sessão plenária seluk.

Primeiro, assunto identificado, ha'u tama iha fronteira Salele no ha'u tama mós ba fronteira Batugadé nian, e iha Salele identifica problema mais emergente, ne'e precisa atu tau matan, ne'e mak assunto *X-Ray* ka raio-X ba sassán tama-sai nian ne'ebé aat kleur ona. Ne'ebe, ida-ne'e ita tem que haree tanba ema tama ho sai, ha'u hanoin, ne'e sira ho manual de'it mak atu tau matan, maibé ne'e bele mós la consegue. Tanba ne'e mak ita buka no tenta, e Governo tem que tenta para hadi'a buat ne'e lailais.

Kona-ba dalan, ha'u hanoin iha Suai ita bele dehan daqui para alguns anos, ha'u hanoin, iha Suai ema sei la liu tanba ha'u hussi Salele mai to'o iha-ne'e iha abertura ba estrada ida que extraordinária e depois iha mós aeroporto no buat barak mak acontece iha-ne'ebá. Pronto, iha posto administrativo barak, ha'u bele compara fali ho ha'u-nian, Ainaro, ida ne'ebé hussi Same mai, hussi Ponte Cassa ba Ponte Ai-Assa, dalan ida que ita bele dehan to'o tempo atu, pelo menos, haree to'ok, orsida maluk balun atu hato'o tan.

Kona-ba mercado ne'ebé Ministério do Comércio, Indústria e Ambiente promete, depois de inauguração to'o agora seidak hala'o. Ema dehan posto integrado, maibé tem que haree buat ne'e tanba bele buat sira-ne'e la aproveita. Ha'u haree tama-sai atu buka hahán ka buat ruma iha-ne'ebá mós dehan seidak loke, tanba ne'e iha Salele ne'e tem que haree condições ida-ne'e para oinsá mak aproveita facilidade ne'ebé iha-ne'e atu halo buat ruma. Ne'e para ema circula ba mai karik, pelo menos, bele investe ossan balu iha-ne'ebá.

Iha Batugadé ne'e, dehan raio-X boot ne'e, ida controlo sassán ba carreta roda 10-20, ne'e sassán ne'ebé tama mai ne'e sira cek ho manual de'it. Ha'u halo ona visita dala tolu, até que em fim seidak iha resultado. Vice-Ministra das Finanças, Ministro e Primeiro-Ministro to'o tiha ona iha-ne'ebá, e nia sistema aprovisionamento halo nu'ussá mak to'o agora cancela no buat ne'e la la'o? Ha'u haree, ha'u observa katak ema usa manual de'it hodi tau matan ba sassán sira ne'ebé tama. Carreta roda 10-20 mak tama ho sassán e 40 pessoas de'it mak atu hatún no hassa'e sassán sira-ne'e. E ha'u la fiar que sira bele deteta sassán sira ne'ebé todan-todan e ne'e bele perde ossan iha-ne'ebá no receitas bele kuran. Liga ba carreta tama-sai ne'e, ema ita-nian tem que selu e maluk sira hussi li'ur mai ne'e é gratuito. Ha'u hanoin tem que haree lei ruma que tau matan, tanba assuntos ne'e la'o kleur ona.

Nune'e mós kona-ba mercado ne'ebé iha-ne'ebá seidak funciona, ha'u haree ema estrangeiro na'in-rua mós começa ona atu instala e aproveita, mas timoroan la aproveita. Pronto, ne'e ita bele haree didi'ak assunto ne'e.

Iha fronteira Batugadé, prende sassán ilegais ne'ebé tama, mina ne'ebé agora tau hamutuk iha Comando Polícia municipal nian. Mina ne'e, se ita lakohi aproveita... agora udan mai nem aproveita. Ha'u iha filmagem iha-ne'e, mas coitado, se Governo lakohi halo ação lailais, quando udan mai sei la aproveita. Ne'e receita barak, mina, carreta no sassán barak, tanba ne'e questão emergente, nune'e Governo bele tau matan, pelo menos, hetan buat ruma hussi sassán ilegal sira-ne'ebé tama.

Ha'u ba uitoan fali Ainaro lai, ne'e liga uitoan ho Maubisse, sobre preocupações saúde nian. Ne'e iha contacto eleitorado foin daudauk iha suco Edí, ha'u haree médico iha-ne'ebá ne'e, ne'e kleur ona, de vez em quando fulan ida e dalaruma semana rua-tolu, nia nunca iha fatin. Ha'u bá loke odamatan, bee iha no buat sira-ne'e hotu iha, mas tanbassá mak ema iha-ne'ebá la iha? Ema dehan: «Tanbassá mak sira la hela metin iha fatin? Bainhira ema mai atu halo tratamento, sira la iha. Então, questão ne'e Ministério da Saúde através de responsável sira bele tau matan. Médico sira iha fatin ne'e tem que mantém iha fatin para tau matan ba ema sira ne'ebé moras.

Por último, ha'u bele hatete, Ministério da Agricultura e Pescas, liuliu iha suco ida Aituto, aldeia Hato-Buti ho aldeia Lima tan que afetado ba bee ne'ebé centro processamento café iha bá, durante quase tinan hirak nia laran ne'e povo la aproveita, bee ne'e halo mate animal hanessian boek no sira seluk. E depois ema atu fasse roupa iha-ne'ebá bee la iha, ne'e iha suco Aituto, Maubisse laran e aldeia hira ne'ebé afetada. Centro processamento café ne'ebé durante ne'e la'o halo povo sira afetado

ne'e, nia distância 100 metros, nia dois hanessan loos buat aat ida. Tanba ne'e mak ha'u hussu ba Governo atubele buka resolve sassán emergência sira-ne'e.

Ha'u hanoin buat barak atu ko'alia, maibé depois, dalaruma, ha'u bele ko'alia através de meio seluk atubele resolve problema sira-ne'e.

Obrigado barak, Sr. Presidente.

**Sr. Presidente:** — Obrigado, Sr. Deputado. Sr.<sup>a</sup> Secretaria de Estado iha-ne'e, nia hela bele ko'alia kedas.

Tuirmai, Sr.<sup>a</sup> Deputada Aurora Ximenes, faça favor.

**Sr.<sup>a</sup> Aurora Ximenes (FRETILIN):** — Obrigada, Sr. Presidente.

Bom dia, Sr. Presidente, Sr. Vice-presidente, Membros da Mesa, Sr.<sup>a</sup> Secretaria de Estado.

Ita hotu hatene katak maior parte do povo Timor-Leste nian ema agricultores, iha tempo recesso ami bá iha Liquiçá, fatin ne'ebé ami escolhe ne'e rural tebes, nune'e mós iha Suai, hodi bá haree projeto sira ne'ebé halo hussi SEPI (Secretária de Estado da Promoção da Igualdade), agora SEAPSEM (Secretaria de Estado para o Apoio e Promoção Sócio-Económica da Mulher).

Iha Liquiçá nian, ohin Sr. Deputado Eládio ko'alia tiha ona, e ha'u atu ko'alia kona-ba eletricidade, bee moos no mós vida agricultores nian iha parte ne'ebá. Hanessan preocupação hussi Sr. Deputado nian kona-ba eletricidade, dala barak ema questiona katak nia obstáculos mai hussi veterano sira. Ami bá iha ne'ebá população hato'o katak eletricidade agora Governo fó atenção ba 442 sucos ne'e 80 sucos mak sei exclui hela, inclui Município Liquiçá nian. Eletricidade iha suco Leorema, Bazartete nian, bessik ona, maibé suco Fahilebo ne'e atu tun ba la tun de'it. Ba Assumanu nian mós hanessan, bessik tebes ho Leorema, mas ne'e mós seidauk to'o. Saida mak sai obstáculo iha-ne'e? Ema temi veteranos, sira hatete katak: «Ami ko'alia veteranos iha-ne'e, ami moe, tanba sira-nia luta ne'e naran boot tebes, maibé agora tama fali iha desenvolvimento sira mak taka fali dalan». Ne'e halo nu'ussá, Sr. Presidente? Ami rona iha ne'ebá katak fó tan licença ba ida ba sukat tan, ida-ne'e seidauk hotu, ida iha tan processo ba tan observação katak nia mós atu bá iha ne'ebá. Processo saida mak ne'e? Gestão ne'e iha sé nia liman? Sé mak halo ida-ne'e? Sé mak gere recurso sira-ne'e? Se hanessan ne'e, então falhanço ne'e iha halo gestão nian. Ne'e tem que ho regra ida hanessan, sé mak tama uluk, nia mak tem que bá sukat e projeto ida-ne'e tem que fó ba nia, labele fó tan ba ema seluk atu bá sukat, e depois la ajuda sira resolve problema, povo mak sai terus liután. Então, ita tau direitos humanos fundamentais ba povo ne'e iha-ne'ebé? Ne'e ita tau tiha ba kotuk. Tanba ida-ne'e, Sr. Presidente, Sr.<sup>a</sup> Secretaria de Estado, ha'u hanoin questão eletricidade ne'e ita ko'alia no rona beibeik ona, maibé buka no coloca to'ok iha parte balun ne'ebé prioridade duni. Ha'u hanoin prioridade ba balun ne'ebé eletricidade bá

bessik ona ne'e, ne'e tem que resolve tiha, tanba hussi eletricidade ne'e bele ajuda buat barak ba comunidade iha-ne'ebá.

Parte bee moos, hussi foho ne'ebá, la iha atenção ba cano, tanba iha suco Fahilebo iha bee moos no bee ne'ebé boot, e uluk tempo Indonésia nian, ema dada ona, maibé seidauk continua to'o agora. Ida-ne'e hanessian informação ida para ita bele hala'o buat ne'ebé ita bele hala'o.

Sr. Presidente seluk fali hanessian informação no mós reflexão di'ak ida ba ita hotu, nune'e mós ba Sr.<sup>a</sup> Secretaria de Estado, liuliu parte agricultura nian. Povo dehan hanessian ne'e: «Governo mai hatete katak “povo kuda, Governo sossa”, maibé ami nia café Governo la sossa, fó filafali ba companhia mak sossa. Sira dehan katak ne'e la'ós povo mak halo exportação, maibé ema seluk mak halo exportação, e ida-ne'e labele dehan Timor-Leste mak halo exportação café. Iha Suai, projeto ai-farina nian ne'e mós la'ós Governo mak sossa, maibé CCT (Cooperativa Café Timor). Ne'e tinan ida ona mak bá deve povo nia ai-farina. Sr. Presidente, ne'e sira fó de'it nota. Comunidade sira hussu ba ami atu CCT ne'e bele selu, e ida-ne'e mós la iha atenção hussi Governo.

Sr. Presidente, ida-ne'e mak ha'u hato'o iha oportunidade ne'e atu labele rona de'it, maibé pelo menos rona no bele resolve.

Obrigada barak.

**Sr. Presidente:** — Obrigado, Sr.<sup>a</sup> Deputada.

Tuirmai, Sr. Deputada Anastácia Amaral, faça favor.

**Sr.<sup>a</sup> Anastácia da Costa Amaral (FRETILIN):** — Obrigada, Sr. Presidente.

Bom dia, Sr. Presidente, Mesa, Sr.<sup>a</sup> Secretaria de Estado dos Assuntos Parlamentares no distinto Deputado sira.

Ha'u hanoin ha'u mak foti liman iha klaran, Presidente, maibé ikus fali.

Sr. Presidente, primeiro atu secunda de'it declaração sira ne'ebé ohin distinto Deputado sira hato'o kona-ba infraestrutura, ne'e liga ho ami nia Comissão, maibé ha'u atu liga uitoan kona-ba transporte nian ne'ebé ha'u levanta beibeik ona. Sr.<sup>a</sup> Secretaria de Estado, dala barak ha'u la'o iha kalan, buat ne'ebé ha'u hassoru mak carreta nia lampu hanessian fali motor nian, ida-ne'e precisa halo linha coordenação ho Polícia Trânsito nian atu haree situação ne'e. Iha acontecimento ne'ebé ema mate barak ona, ha'u hanoin situação ne'e precisa atu hato'o ba Vice-Ministro das Obras Públicas Transportes e Comunicações atu toma atenção.

Segundo, liga ba estrada Hudi-Laran, Sr.<sup>a</sup> Secretária de Estado, ha'u levanta beibeik caso ida-ne'e, ho intenção katak atu taka de'it bee ne'ebé nalihun iha fatin ne'ebá. Ba estrada ne'e mós, maski halo duni levantamento hussi Secretaria de Estado das Terras e Propriedades no técnico Ministério das Obras Públicas nian, maibé to'o iha-ne'ebá saida mak ita haree?! Estrada ne'e la merece tanba nia



luan, tuir informação katak iha 18 metros tuir técnico sira hatete, e estrada ne'e comunidade ninian. Ha'u hanoin Ministério competente haree situação ne'e, e plano ba oin, estrada ne'e atu halo ho metro hira? Hanessian estrada ida-ne'ebé liga hussi Ponte 3 Comoro mai to'o Hotel Hongkong iha Bairro Pité nian ne'e, sira hakarak tau 12 metros maibé comunidade hakarak tau 18 metros, ida-ne'e nunca tama kakutak, Sr.<sup>a</sup> Secretária de Estado, assunto ne'e importante tebes.

Depois, kona-ba ética liga ho serviço ita-nia técnico Ministério das Obras Públicas nian, bainhira bá tau marca ho tinta iha fatin ne'ebé sira decide tiha ona, ne'e tem que hatene kona-ba ética. Iha fatin seluk sira tau marca ho tinta mean normal, tanba saida mak to'o iha ha'u-nian la hanessian? Ida-ne'e vingança ka ódio ida ba ha'u mak usa marca tolu ne'e, e ne'e tuir ha'u-nia termo katak Padre, Filho ho Espírito Santo. Ha'u hanoin katak ha'u mós serbí ba nação ne'e, ha'u mai passiar karik, ha'u nia rai Viqueque ne'e luan tebes, ha'u precisa atu fó-hatene de'it ida-ne'e.

Liga mós ba eletricidade iha Uatucarbau, iha suco haat ne'ebé iha momento ne'ebá ha'u levanta, companhia balu estraga tiha comunidade nia ai-horis, depois hussik hela, ne'e mak hanessian iha suco Loiulo, Afaloicai, Bahatata ho Irabin de Cima, comunidade la hussu *ganti rugi* maibé sira hussu de'it atu fó conhecimento ida ba sira.

Liga ba bee moos iha Posto Administrativo Viqueque, Uma Uain Leten, Suco Lugasa nian, povo iha-ne'ebá precisa tebes bee moos, ita hotu hatene loron ida ita hariis dala ida de'it mós la to'o, satán povo baibain ne'ebé iha-ne'ebá, ne'e semana ida dalaruma sira la hariis. Ida-ne'e precisa tau atenção. Iha informação katak companhia balu halo ona construção tanque atu fornece bee, maibé to'o agora seidauk fornece ne'e, nia obstáculo iha orçamento ou linha coordenação? Hussu ba SAS (Serviço de Água e Saneamento) Município Viqueque nian atu tau atenção ba ida-ne'e.

Liga uitoan mós ba irrigação iha Irabere, Uatucarbau nian, tinan barak ona mak povo precisa halo natar, maibé to'o agora irrigação ne'e seidauk di'ak.

Ida-ne'e de'it informação ne'ebé ha'u hato'o ba Sr.<sup>a</sup> Secretária de Estado dos Assuntos Parlamentares.

Obrigada.

Sr. **Presidente**: — Obrigado, Sr.<sup>a</sup> Deputada.

Tuirmai, Sr. Paulo Moniz, faça favor.

Sr. **Paulo Moniz Maia** (FRETILIN): — Obrigado, Sr. Presidente.

Bom dia, Sr. Presidente, componente da Mesa, Sr.<sup>a</sup> Secretaria de Estado dos Assuntos Parlamentares no colega Deputado sira hotu.

Ha'u iha ponto barak iha-ne'e atu hato'o, Sr. Presidente, hahú dia 15 de julho to'o ohin loron dia 15 de setembro, ne'ebé ita halo recesso bá. Iha recesso nia laran, Bancada FRETILIN iha programa ida

naran contacto eleitoral iha fatin barak, tanba ne'e ami tun ba suco balu iha Lolotoe nian, ita-nia populacão no comunidade barak mak preocupa ho condicão estrada ne'ebé liga hussi Oeleu to'o Maucatar, Suai nian. Estrada ida-ne'e quase tinan lima ona, ne'e projeto bele multianual, mas tinan-tinan tem que la'õ, maibé ida-ne'e parado, e quase seis ou sete quilómetros de'it mak halo ho alcatrão ne'ebé la iha qualidade. To'o agora comunidade Lolotoe preocupa tebes ho situacão ida-ne'e.

Liga ba eletricidade iha suco Opa, Lolotoe, ne'e nia distância 1 km de'it hussi Posto Administrativo Lolotoe nian, maibé durante ne'e eletricidade la tama iha suco ne'e. Sira preocupa tebes, tanba sira-nia oan atu estuda mós ahi la iha. Ne'ebe, sira la bele halo buat ida.

Tuirfalimai ko'alia nafatin kona-ba projeto ida iha Maliana, ponte Mabilgol ne'e hahú harii iha 2013 to'o agora, mas nunca hotu. La hatene, Governo ba haree ka lae? Povo iha-ne'ebá preocupa tebes ho ponte ne'e tanba ponte ne'e la di'ak, então ema hussi suco Saburai ho Suco Memo la bele transporte sira-nia hare ne'ebé sira kuda ne'ebé atu lalin ba sira-nia uma. E tinan-tinan hanessian ne'e hela de'it.

Tuirfalimai iha mós preocupacão barak hussi professor sira kona-ba nomeacão ou cargo ne'ebé iha escola ida-idak hanessian diretor da escola. Iha escola ida ema ida que la iha ninia mérito atu hanorin, mas como agora ita-nia rai ukun-an, pronto, balu la bele hanorin mós bele bá hanorin hotu. Maibé, atu diretor escola ne'e tem que hili ema ida que hatene, nia bele domina matéria e método ne'ebé nia atu hanorin iha nia escola ne'ebá. Ida-ne'e sai preocupacão, tanba halo discriminacão. Dala ruma iha ninia colega balu iha Educação, então diretor da escola ne'e tau mak ninia ema, maibé nia ladún domina e nia ladún hatene buat saida mak nia atu halo iha escola ne'e.

Ikus liu, Sr. Presidente, ita hotu hatene katak sede suco iha Timor laran tomak ne'e iha, ne'e obra ida que I Governo Constitucional hahú iha 2006, e 2007 halo construcão hotu iha Timor laran tomak, maibé to'o agora ita nunca haree kona-ba ninia manutençãõ e ita la hatene. Sede suco ne'e quase hotu-hotu aat ona, tanba ita agora daudaun mós atu tama ba eleicão chefe do suco, maibé iha suco ne'ebá sira-nia sede ne'e ita nunca fó atencão. E sede suco balu la bele usa ona tanba ai, kaleen ka buat hotu quase monu hotu ona. Ne'e la iha manutençãõ ba buat ne'ebé iha ita-nia matan laran, hanessian ne'e mós ita nunca bele fó atencão.

Ha'u hanoin Sr. Presidente, ida-ne'e mak ha'u bele hato'o.

Obrigado barak.

Sr. **Presidente**: — Obrigado, Sr. Deputado.

Ikusliu, Sr.<sup>a</sup> Angélica da Costa, faça favor.

Sr.<sup>a</sup> **Angélica da Costa** (FRETILIN): — Obrigada ba Sr. Presidente.

Bom dia ba ita hotu.

Sr. Presidente, ha'u iha assunto balu mak atu foti, maibé assunto ida-ne'e, ne'e problema ne'ebé hanessian ho sira ne'ebé ohin hato'o ona hussi Deputado sira seluk, maibé nia fatin mak la hanessian. Ne'ebe, hanessian representante do povo precisa duni atu hato'o.

Ko'alia kona-ba estrada, bee moos, no mós kona-ba café folin, ne'e ita haree acontece iha Timor laran tomak.

Liga ba estrada, hanessian ohin camarada Deputado Antoninho Bianco foti tiha ona, iha Ainaro, ita haree hussi Hatu-Udo laran de'it, estrada la di'ak, e ne'e mai to'o iha Cassa. Sr. Presidente, tanba Ita-Boot la tun ba iha-ne'ebá, ha'u hakarak hatete de'it, quando carreta ida-ne'ebé ita sa'e daudauk, *Prado* ne'e, liu kona hussi ne'ebá, ne'e ita la rona carreta ne'e nia lian di'ak, maibé lian «kron-kran, kron-kran», e ainda mais rai-rahun. Ita liu, e povo ne'ebé passa mós hussi ne'ebá, coitado rai-rahun mak suar ba sira, ne'e ita hatene katak afeta ba saúde.

Ne'e la'ós de'it iha-ne'ebá, iha Ainaro laran de'it, Sr. Presidente, ha'u la hatene, desde ukun-an to'o agora, estrada iha Ainaro vila laran ne'e fatuk mak iha laran hela de'it. Iha fulan hirak liu ba kotuk, ami bá foti ruin heróis balu nian iha-ne'ebá, ami halo *pawai* hodi hadulas iha Ainaro laran, maibé triste tebetebes tanba alcatrão kala uluk ne'e sai tiha hotu, ne'ebe fatuk mak ruin hela, ruin hela de'it. Ha'u la hatene tanbassá Ainaro to'o agora ne'e hanessian ne'e? Iha Ainaro laran de'it mak hanessian ne'e, ainda mais ita haree bá iha fatin sira ohin ha'u hateten ne'e. Ida-ne'e mak hakarak hato'o.

Nune'e mós, sei liga nafatin ho estrada, Sr. Presidente, iha estrada Same vila laran de'it iha parte ida tun ba Nu'u-Laran nian, ha'u hanoin Sr. Presidente hatene, tanba naquela altura ita bá halo comemoração sira iha 20 de maio, iha D. Boaventura nian, ne'e agora rai-rahun mak suar. La hatene, ita mai to'o iha Aileu nian ne'e, ita haree companhia sira ne'ebé halo estrada ne'e, sira sei lori bee iha tanque ne'e rega tuituir, maibé iha estrada Nu'u-Laran ne'e la rega ida. Maibé ita tem que hanoin ba iha-ne'ebá, ita-nia comunidade barak mak hela bessik estrada-ibun e ao mesmo tempo labarik sira mós bá-mai hodi bá escola, movimento iha estrada ida-ne'e halo rai-rahun mak suar. Ita hatene katak rai-rahun ne'e afeta ba saúde labarik sira-nian.

Ida-ne'e hanessian fó hanoin ba ita hotu-hotu, liuliu ba Governo, atu oinsá toma atenção ba fatin sira hanessian ne'e.

E depois, ha'u sei ko'alia nafatin kona-ba ahi, estrada, no café folin, liuliu iha fatin ida, bairro Rusata, ne'e halo parte ba Suco Letefoho, Suco ida-ne'ebé iha kedas vila laran, sira-ne'e mós sei halerik nafatin ba estrada, halerik nafatin ba ahi e café folin. Tanba ita hatene katak ko'alia kona-ba buat sira-ne'e, buat sira-ne'e maka atu fó di'ak ba ita-nia povo ki'ik sira iha kraik, maibé quando ita la tau atenção ba problema sira hanessian ne'e maka ita-nia povo sira sei kiak ba nafatin no mukit ba nafatin.

Tuirmai, Sr. Presidente, ha'u hakarak ko'alia uitoan kona-ba iha bandeira nacional. Bandeira nacional ne'ebé ita hotu-hotu hatene hassa'e tuir fatin, liuliu iha sede suco sira. Ha'u liu hussi fatin iha Hatu-Udo nian, iha sede suco ida nia oin, ha'u haree coitado tebetebes. Bandeira ne'e ha'u la hatene, ne'e hassa'e kala quase fulan ka keta tinan ona karik? Bandeira ne'e tuuk tiha hanessian ne'e...

*Sr.<sup>a</sup> Deputada ne'e ko'alia hodi sukat bandeira ne'e nia tuuk ho nia liman.*

Ne'e ha'u la hatene iha bairro ida-ne'ebá ne'e haree kona-ba ida-ne'e ka lae? Tanba ita haree de'it ka halo comparação ho Indonésia nia tempo, bandeira ne'e hassa'e maibé iha lokraik tem de hatún filafali, la'ós hassa'e hela de'it hanessian ne'e to'o tinan ba tinan, ita liu bá mak pedassuk tuuk hela hanessian ne'e. Ne'e hatudu katak ita la respeita ita-nia bandeira nacional e ainda mais, ho bandeira ida-ne'e mak ita bele dehan, significa hodi ruin ho raan maka sossa. Buat ki'ikoan sira hanessian ne'e precisa fó hatene ba ministério competente atu bele halo socialização ba iha-ne'ebá, e fó atenção ba líder comunitário sira atu atenção kona-ba ida-ne'e. Ida-ne'e mak ha'u hakarak hato'o.

Tuir filafalimai, Sr. Presidente, iha sugestão ne'ebé hato'o hussi professor sira, liuliu kona-ba salário. Ba salário ita hotu-hotu hatene katak salário ba professor sira hussi área remota ne'e mais alto do que professor sira ne'ebé hanorin iha cidade ka iha área urbana nian. Ne'ebe professor sira sugere de'it hanessian ne'e: «La iha buat ida, salário sira-nian boot liu ami sira ne'ebé hanorin iha cidade, maibé hussu ba Ministério atu halo controlo maka'as ba iha áreas remotas, e controla iha-ne'ebá se sira pontualidade ba hanorin ka lae? E ao mesmo tempo controla mós ba qualidade». Tanba ita haree barabarak, dalaruma iha áreas remotas, 10 horas tiha ona mak foin começa escola. Professor sira sugere dehan: «Dalaruma, ita haree quando professor hussi escola iha áreas remotas hotu mai *testing*, sira-nia pronúncia sira-ne'e mós la moos. Tanba ne'e mak quando aumenta ona ossan ba sira, ne'e precisa iha controlo, liuliu Ministério da Educação tem que halo inspeção ho máximo ba iha-ne'ebá». E depois sira dehan tan: «Se hanessian ne'e di'ak liu lalika halo diferença hanessian ne'e, atu aumenta, aumenta ba ami hotu-hotu atu halo hanessian». Ida-ne'e maka ha'u hakarak hato'o.

Obrigada.

**Sr. Presidente:** — Obrigado, Sra. Deputada.

Sra. Secretária de Estado, faça favor.

**Sra. Secretária de Estado dos Assuntos Parlamentares** (Maria Terezinha Viegas): — Obrigado, Sr. Presidente.

Bom dia ba Sr. Presidente, Membros da Mesa, no mós ba distinto Deputado sira hotu.

Sr. Presidente, ami hola ho atenção, ami hakerek ka hola notas ba intervenções ne'ebé hato'ó hussi distintos Deputados. Ohin intervenientes hamutuk Deputado sanulu-ressin-ualu, ami hola nota ho atenção, ne'e liga ba estradas, água, eletricidade, transportes e comunicação, turismo, prestação serviço de saúde, problemas de irrigação, trator ho café nia folin, no mós problema iha fronteira, gestão de lixo, sede de sucos ho questão ne'ebé distinta Deputada Angélica, ikusliu, foti kona-ba bandeira no mós problema iha área educação.

Karik ami atu adianta iha-ne'e, Comité de Revisão do Orçamento continua hela hala'ó nia serviço relaciona ho orçamento ne'ebé hato'ó hussi ministério sira. Ami sei hato'ó nafatin, ami mós hola parte iha revisão nu'udar observadora. Informação no questão sira ne'ebé distinto Deputado sira foti liga liu ba orçamento, tanba ida-ne'e mak ami hussu ba ministério sira atu hola consideração ba orçamento 2016 nian, karik la'ós ba infraestrutura ou projetos construção ne'ebé boot, maibé ba obra ne'ebé hahú tiha ona, por exemplo, linha eletricidade nian.

Infelizmente hussi Ministério das Obras Públicas nia orçamento liu tiha ona, iha-ne'ebá mós iha alocação orçamento ba linha eletricidade, ne'e ba manutenção no mós ba projetos obras ne'ebé seidauk finaliza, nune'e mós ba água e saneamento. Hein katak ita la bele responde no todo, mas karik ita bele cobre áreas ne'ebé fila-fila ona mak distinto sira foti durante fiscalização no mós bainhira bá halo contacto ho eleitorado.

Karik ba Sr. Presidente, informação sira-ne'e ami hola notas hotu kedas iha-ne'e, ami sei informa hanessan baibain, ami liga ba ministério sira, maibé importante liu maka ami atu assegura katak ne'e relaciona ho orçamento ne'ebé atu finaliza ona. Tanba ida-ne'e maka ami hato'ó ba ministério sira atu tau atenção, liuliu ba estrada, eletricidade, água no mós ba preocupação seluk ne'ebé distintos Deputados sira foti, por exemplo, iha área saúde ho educação nian.

Ba preocupação no intervenção ne'ebé hato'ó hussi distinto Deputado Branco, ami aprecia, ami sei informa ba Primeiro-Ministro. Maibé, iha-ne'e ita hotu hatene katak, hanessan horissehik iha Conferência de Líderes, iha proposta de lei lubuk ida maka precisa atu baixa, no mós proposta de lei lubuk ida mak atu adianta ba aprovação final global, e karik iha mós propostas ne'ebé atu submete tuirmai. Hanessan ita hotu hatene katak Governo assegura submissão do orçamento, e sei halo o máximo possível submissão ne'e iha dia 15 de outubro hanessan lei gestão financeira haktuir. Tanba ida-ne'e mak Governo sei nakloke, depende ba agendamento Parlamento nian, hanessan mós iha Conferência de Líderes, ne'e concorda ona atu halo agendamento ba debate ho ministro, liuliu Ministro das Obras Públicas, Transportes e Comunicações hanessan hato'ó ona iha reunião plenária Comissão Permanente nian ne'ebé preside hussi Vice-Presidente, Adriano. Iha-ne'e ami adianta katak Ministro pronto atu ami fó resposta ruma relaciona ho preocupações ne'ebé distinto Deputado sira foti, liuliu relaciona ho construção aeroporto Suai no mós problemas de telecomunicação. Tanba ida-ne'e depende ba agenda do Parlamento.

Ami hakarak adianta mós katak iha próximo dia 22, Primeiro-Ministro sei desloca ba Nova Iorque atu ba atende conferência iha-ne'ebá, sei fila iha primeira semana de outubro. Tanba ida-ne'e maka ami hussu consideração hussi Deputado sira, chefes bancadas no Mesa Parlamento kona-ba questão submissão proposta de lei Orçamento Geral do Estado 2006.

Questão ne'ebé ohin foti hussi distinto Deputado Virgílio Hornai relaciona ho respostas ne'ebé hato'o mai distintos Deputado sira, de facto mecanismo ida-ne'e mak iha e ami implementa hela. Ami assegura hela katak preocupações ne'ebé distinto Deputado sira foti, ami hola nota e ami encaminha tuir informação ne'ebé distinto Deputado sira hato'o. O que é certo é que iha execução ka atu responde ba preocupação sira-ne'e, membros do Governo balu responde diretamente, maibé iha mós questão balu ne'ebé distinto Deputado sira foti relaciona ho técnica da execução e implementação, tanba ida-ne'e, resposta ne'e mai hussi nível cargo de chefia hodi hato'o fali ba ministro hodi encaminha tutan mai.

Ha'u hanoin ida-ne'e prática ida-ne'ebé durante ne'e ita hala'o hela, maibé karik hussi Parlamento iha hanoin atu revê fali mecanismo ida-ne'e, ami pronto para hala'o tuir. Maibé, ida-ne'e maka durante ne'e ita hala'o hela e ami hanoin katak sei la halakon sentido ida-ne'ebé iha hodi fó respeito mós ba distinto Deputado sira.

Karik ba tempo no oportunidade, Sr. Presidente, ida-ne'e de'it maka ami bele hato'o.

Obrigado, Sr. Presidente.

**Sr. Presidente:** — Obrigado ba Sr.<sup>a</sup> Secretária de Estado dos Assuntos Parlamentares.

Lembra filafali de'it, aviso ne'ebé ohin dehan bancada sira atu apresenta candidaturas, ohin haluha tiha apresenta mós candidatura ba Comissão de Homenagem. Iha Conferência de Líderes mais ou menos iha ona um possível consenso, relativamente ao candidato ne'ebé uluk apresenta hussu FRENTI-MUDANÇA, ne'ebé tama iha eleição mas la consegue liu, ita-nia maluk barani nafatin, mas ne'e bancada haat maka sei entende malu. Ha'u hanoin katak relativamente à Comissão, ha'u hussu barak, iha início da 4.<sup>a</sup> Sessão Legislativa, ba saúde dos Deputados, ha'u hussu barak para ida-idak preocupa nia saúde e halo controlo ne'ebé periódico para labele mossu situação ne'ebé grave. E ha'u ko'alia tiha ona ho Secretário-Geral ho Diretores sira para haree mós funcionário sira-nia saúde. Ita iha verba ne'ebé prevista, quer para Deputados, quer para funcionários, ha'u hanoin ita tem que preocupa ba saúde ita-nia Sr. Deputado sira ho funcionário sira hotu. Hotu-hotu hatene, ita-nia Sr. Deputado Pedro moras, Sr. Deputado Osório mós agora iha Singapura, ne'ebe ha'u hussu barak, se sente moras ka saida tem que bá halo tratamento, tanba quanto mais ita hussik, moras ne'e atua daudauk. Ne'ebe, ha'u lembra filafali para bele haree assunto ida-ne'e, que individual, mas depois afeta ba serviço órgão soberania nian.

Portanto, candidato sira ohin ha'u dehan tiha ona ba Conselho Superior da Defensoria Pública, Conselho Superior de Imprensa, Conselho de Opinião da Rádio e Televisão de Timor-Leste, ida-ne'e convém bancada sira hahú daudaun atu haree no fihir ema ne'ebé Ita-Boot sira sente katak iha condições atu ocupa fatin sira-ne'e para apresenta hodi marca eleição.

Iha ponto de ordem ida hussi Sr. Deputado Piloto. Faça favor.

**Sr. César Valente de Jesus** «Piloto» (CNRT): — Obrigado, Sr. Presidente.

Ita temi kona-ba moras sira ne'ebé Deputado sira enfrenta ne'e maka ha'u atu hussu, cada Deputado ida quando hussik nia iis iha mundo ne'e, será que iha mundo ne'e, hotu-hotu hanessian, tem que ser lori mai iha Parlamento? Tanba ita-nia costume Timor, tula mate ida iha mesa, ne'e tem que ser baku fila mesa ne'e, ita-nian durante ne'e, ha'u la hatene, buat ne'e la'o hela hanessian ne'e ka keta lae? Se mundo hotu la'o hanessian ne'e, pronto, maibé ita-nia cultura ne'e la'o oin-seluk uitoan, ne'e ha'u-nia sugestão ida ne'ebé ha'u fó ba Mesa.

Obrigado.

**Sr. Presidente:** — Obrigado, Sr. Deputado.

Ponto de ordem, Sr.<sup>a</sup> Deputada Florentina Smith, faça favor.

**Sr.<sup>a</sup> Florentina Martins Smith** (FRETILIN): — Muito obrigada, Sr. Presidente.

Boa tarde ba ita hotu.

Sr. Presidente, ha'u hakarak usa ponto de ordem ida-ne'e atu informa ba Srs. Deputados, Membros da Comissão F ho Sr.<sup>as</sup> Deputadas Grupo das Mulheres Parlamentares atu fó hanoin ba Sr. Deputado sira hotu katak iha convite ida-ne'ebé ha'u assina ho Presidente Comissão F, Sr. Deputado Virgílio da Costa Hornai, depois do almoço, iha reunião ida-ne'ebé muito pertinente. Nune'e, ha'u hakarak atu fó lembra ba Sr. Deputado sira atu participa, e ami mós prepara hela almoço, depois do almoço, iha reunião iha 2 horas loraik.

Muito obrigada, Sr. Presidente.

**Sr. Presidente:** — Obrigado barak, Sr.<sup>a</sup> Deputada

Portanto questão sira-ne'e, depois maka ita haree. Iha 4.<sup>a</sup> Sessão Legislativa, ita haree daudaun ona katak iniciativa legislativa ne'e sei barak tebetebes e possivelmente tem que aproveita didi'ak 4.<sup>a</sup> Sessão Legislativa ida-ne'e, tanba ita quando tama iha 5.<sup>a</sup> Sessão Legislativa, praticamente ne'e campanha eleitoral ba Presidente da República, ba Parlamento. Ne'ebe, Sr. Deputado Francisco Branco ohin ko'alia com muita razão, mas, ita hakarak ka lakohi, tinan ida-ne'e é mesmo em peso. Tanba ne'e ha'u hussu barak, apesar de quantidade norma ne'ebé iniciativa legislativa ne'ebé tama, ita

labele ansi no sentido, às vezes, em termos de qualidade das leis bele diminui uitoan, e ita ho intensidade do trabalho nafatin mas ho rigor ne'e nafatin mós. Ne'ebe, hussu ba Mesa de cada Comissão, ita-nia assessores sira-ne'e para bele concentra didi'ak para não perder nem o rigor, nem a qualidade das leis, porque agora esta Sessão Legislativa vai ser cheia de iniciativas legislativas. Nune'e, desejos de bom início e de boa 4.<sup>a</sup> Sessão Legislativa.

Ha'u hanoin, espero que ida-ne'e di'ak liu, 3.<sup>a</sup> Sessão Legislativa que ladún di'ak em termos de acontecimentos, quer ba ita-nian rassik, ita-nia Deputado Mateus, Deputado Fó Laran, ita-nia antigo Presidente do Parlamento, depois em termos de operação conjunta ne'ebé buat hotu ne'e ita hotu lakohi maibé ne'e acontece e acontece, ita hussu barak para que, agora iha 4.<sup>a</sup> Sessão Legislativa ne'e, di'ak liu ida uluk nian.

Aproveita inicia kedas hodi baixa à Comissão A, ne'ebé tem que prepara an didi'ak tanba agora daudaun ne'e iha iniciativa tolu kedas e depois ba Comissão B. Ne'ebe, ha'u convida - parece ita-nia Vice-Presidente Comissão maka iha-ne'e no Presidente Comissão seidauk iha-ne'e - Vice-Presidente ka representante hussi Comissão A bele mai para ha'u entrega hela iniciativa sira-ne'e.

*Mesa, liuhossi Presidente do Parlamento Nacional, baixa Proposta de Lei n.º 20/III (3ª) – Lei do Recenseamento Eleitoral, Proposta de Lei n.º 27/III (3ª) – Lei de Combate ao Tráfico de Droga no Proposta de Lei n.º 30/III (3ª) – Procedimento de Concessão de Indulto ba Comissão A ne'ebé representa hussi Sr. Deputado Arão Noé de Jesus Amaral hodi simu documento hirak-ne'e.*

Hussi Comissão B, nia Presidente ho Vice-Presidente ohin iha-ne'e, mas la iha, agora Secretário, Sr. Deputado «Roque» maka iha-ne'e, mai simu hela bá. Relativamente ba Comissão B nian ne'e, ne'e acordo entre Timor-Leste e Santa Sé. Se bele karik halo relatório parecer ne'e de tal forma que iha 13 de outubro, que dia de Nossa Senhora, hodi apresenta para ita bele aprova ona ou ratifica.

*Mesa, liuhossi Presidente do Parlamento Nacional baixa mós Proposta de Resolução n.º 17/III (3ª) – Acordo entre a República Democrática de Timor-Leste e a Santa Sé ba Comissão B ne'ebé representa hussi Sr. Deputado Jacinto Viegas Vicente «Roque» hodi simu documento ne'e.*

Obrigado barak, boa tarde ba Sr.<sup>a</sup> Secretária de Estado dos Assuntos Parlamentares, Srs. distintos Deputados e distintas Deputadas e público tomak, declaro fechada esta sessão plenária, até logo e bom almoço.

*Horas hatudu tuku 11 liu minuto 65 dadeer.*



Tuir mai iha mós Lista de Presenças Sr. Deputado sira-nian.

***DIVISÃO DE REDAÇÃO, AUDIOVISUAL, TRANSCRIÇÃO E DOCUMENTAÇÃO.***